

蜀域攷古鑄



高城及古蹟

西域考古錄卷第九

海鹽俞浩



伊犁惠遠城

管城八

綏定

惠遠城北三十里地名烏哈爾里

塔爾奇城

惠遠城西

北三十里

廣仁

惠遠城西北八十里地名烏

克博羅克土人名大草蘆

瞻德

惠遠城西北七十里地名察罕烏蘇一名清水河

拱宸

惠遠城西

里地名霍爾果

熙春

惠遠城東八十里地名巴彥岱土名樂子

惠寧

惠遠城東北七十里地名巴彥岱有乳檢司

寧遠

惠遠城東南九十里地名

固爾札河

回城也

伊犁古名伊列伊列伊麗皆一聲之轉也名始見於漢書陳湯傳曰北擊伊列西取安息通鑑注云伊列漢西域故國也近康居北祁氏西域釋地云伊犁源於庫爾喀刺烏蘇之喀什山陽其地在伊犁東北千里西北流合空格斯河逕惠遠城南又西北至哈薩喀界入於巴勒喀什淖爾淖爾者海子也東西長八百里南北百數十里海中有三山環海子三十里皆戈壁也今考之歷代史及諸圖志開元十道圖志邱長春西遊記則伊犁之河實不僅此其上源則發於今哈刺沙爾西北之納

刺特大嶺地名鹿圈泉水從地湧出如鏡如星流爲昌
曼河河水東北流至庫爾喀刺烏蘇所謂黑水城也濟
爾刺閉河敦木達河奎屯河博勒古河入焉河水又西
折而北合精河河水又西北流逕寧遠回城固爾札河
入焉又西北流逕惠遠城南又西逕塔爾奇城諸泉水
從北來注之又西北流空格斯河東南來入之又察罕
烏蘇阿里瑪圖河與之合從此西流分爲二派東派北
流合庫庫車集河又北流入巴爾喀什淖爾其西派遶
阿勒坦鄂拉

譯言金山也

其南流入諾渾淖爾其北合固爾

板阿林圖河又北合喀什格倫河又北入巴爾喀什淖爾考伊犁河佛典謂之帝帝河自東南以趨西北橫亘伊犁境中四五千所匯之水圖志可名者凡九十九條祁氏以喀什空格斯二河當之毋乃踈乎唐西突厥十姓之地多在龜茲之北白山之西其鼠尼施處半部為鷹娑都督府在今烏什之鷹落山唐志自弓月城過思渾川執失密城渡伊麗河至碎葉界按執失密亦曰拔悉密

突厥傳拔悉密臨突厥牙帳歐欲谷口此衆去家千里必將死戰未可擊也不如以兵擊之去北庭二百里分兵由閒道先掩北庭因縱擊盡虜其男女而還蓋在今迪化州界內唐西突厥分

兩國皆以伊麗河爲界以烏蘇曷山西爲北庭雖合水
北爲南庭自焉支西北七日行得南庭北八日行得北
庭北庭當在今黑水城界南庭當在今康吉城界蓋哈
刺沙爾與喀拉烏蘇南北相對馬行可八日也是唐時
北庭都護與碎葉鎮城亦以伊犁河爲界也所指伊麗
河卽今之昌曼河又可知矣至烏孫舊治赤谷城見漢
書西域傳神爵中國分爲二大昆彌仍治赤谷後魏書
亦云居赤谷城後西徙蔥嶺中是烏孫國在山南之證
今阿克蘇城北鹽山土色純赤當卽烏孫之赤谷城也

陳湯傳鄧支擊烏孫深入至赤谷城又云烏孫不敢追
西邊空虛不居者且千里是蕃內地在康居境內四千
餘里徐氏謂烏孫之境西自捐毒之北東迄焉耆之北
芴白山之陽亘三千五百里其東則車師是與匈奴接
又漢書西域傳云與諸翎侯懼去居北山中按此卽今
八達坂冰嶺以東至博羅圖山卽天山以在烏孫北故
曰北山此亦足見烏孫在山南之證溫宿傳北至烏孫
赤谷六百一十里是今阿克蘇至烏孫王庭僅六百餘
里也水經注水道姑墨西北歷赤沙山東南流逕姑墨

國西赤沙山卽赤谷也今之鹽山是矣姑墨西北正溫
窟之北後魏書溫窟在姑默西北今阿克蘇城至滴水
崖二百八十里漢書龜茲北與烏孫西與姑墨接後魏
書龜茲都城在白山南百七十里故怛白山陽卽烏孫
界水經注龜茲西去姑墨六百七十里唐三藏西域記
龜茲西行六百餘里經小積至跋祿伽國是姑墨之北
山爲烏孫地卽今之拜城姑墨傳云出銅鐵雌黃今滴
水厓有上下銅厰而庫車北山又名丁谷山出礪砂則
赤沙山所歷繇亘矣唐志又云出安西府拓厥關渡白

烏河四百餘里至撥換城撥換城即姑墨故國也又西

北二百里至大石城大石城即温宿唐又謂之温肅州

又西北經勃達嶺傍熱海行熱海者元時名亦切湯兒

按白山洞穴中多温泉熱海西北行千四百餘里至碎
亦為礪沙所蒸嚴冬不冰

葉城蓋今之伊犁由善塔斯嶺西南行千五百里至冰

嶺之麓是今之八達坂由西北則至昔之碎葉鎮城由

東北則至今之伊犁惠遠城也撥換城在唐時最為表

著蓋自安西至碎葉疎勒于闐為四鎮要道貞觀中阿

史那社爾叛龜茲都城其王保撥換城咸亨元年吐蕃

陷撥換遂取四鎮景龍初突騎施入寇分道出安西撥
換敗唐兵於計舒河口計舒卽塔里木河通典謂之計
戍水亦曰黃河開元六年蘇祿謀取四鎮圍撥換城十
載高仙芝討小勃律自安西過撥換城入握瑟德城握
瑟德卽據史德城通典自撥換西南四百里至據史德
城自據史德五百八十里至疏勒是也唐會要撥汗那
國酋長突厥人其國人皆烏孫種顏師古注烏孫於西
域諸戎其形最異今之胡人青眼赤須狀類彌猴者本
其種也通典謂撥汗那婦人不飾鉛粉以青黛塗眼此

可證其爲烏孫種類乃顯慶中以鍛汗那爲悅般都督
府何耶悅般本北匈奴部落後漢章帝時爲竇憲所敗
又數爲南匈奴攻擊北單于遠遁其遺部留居蒲類海
上後稍西徙後魏太和中與蠕蠕連兵爲蠕蠕所滅其
地悉入於柔然蓋其國當在今伊犁東南蓋亦與龜茲
接界北魏書悅般傳可考也蓋伊犁在漢初其東北境
爲匈奴東南境爲車師六國及後王之庭西北爲康居
西南爲塞地塞王破於月氏南越縣度號罽賓塞種分
散如捐毒休循皆各自爲國其故地則月氏居之烏孫

本與月氏同居祁連敦煌閒烏孫爲月氏所破奪其地
人民亡走子昆莫新生傳父抱持以歸匈奴而月氏亦
爲匈奴所破西走塞地及昆莫長擊走月氏以報父怨
月氏西徙臣大夏烏孫始居其地故烏孫有塞種有月
氏種云是烏孫之於伊犁不過今日西南一隅卽唐之
西突厥庭西二州外亦多在西南境內也

按西突厥代居金山

今名阿爾泰山

工於鐵作金山形如

兜牟俗呼兜牟爲突厥因以爲號

後魏及北史云西魏初其酋土門始

大常求昏於蠕蠕阿那瓌詆辱之曰爾我鍛奴何敢
然土門怒攻蠕蠕被之阿那瓌自殺遂悉有其地自

立為可汗土門子木杆可汗代立有奇表面廣一尺色甚赤眼若琉璃性暴而智西破厭達東走契丹威服塞外時蠕蠕主鄧叔子以亡國之餘歸命西魏木杆請於宇文泰使人泄殺鄧叔子以下三千餘人於青門外土門有弟玷厥號達頭可汗庭於焉耆以北西域諸國皆歸之隋初木杆子阿波小可汗與大可汗沙鉢罽有隙西奔達頭治兵相攻突厥自是分為西北兩部沙鉢罽死弟處羅侯可汗會阿波可汗歸於其後分西北兩突厥隋大業中處羅可汗始庭於

烏孫故地立二小可汗一居石國北以制諸胡一居

鷹娑山以賦城郭諸國時煬帝征吐谷渾召處羅不至會小可汗射匱遣使求昏

射匱者達頭之孫帝持桃竹白羽箭謂使者曰射匱

有好心我將立為大可汗令發兵誅處羅然後為昏

宜急速如箭也射匱喜攻處羅破之處羅東奔保時

羅漫山帝使裴矩將其母向氏左右往諭之處羅遂

入朝大業末射匱始開土宇東至玉門西臨西海始與

北突厥為敵建廷於龜茲之三彌山弟統葉護代立

北并鐵勒西拒波斯南接罽賓據烏孫舊地移廷於

石國北之千泉按唐志雙湖都督府去千泉二百里

西域傳素葉城四百里至千泉地延
衰可二百里南即雪山三番平陸多泉因名
為可汗遊暑處其中羣鹿飾鈴錄可狎也

通典碎葉川長千餘里東頭有熱海西頭怛羅斯城唐

志素葉城二百里至雙河又二百里至千泉又西南二

百數十里至白水城原隰膏腴其南五十里敘赤城沃

野宜稻多蒲萄又二百里為石國蓋千泉在石國之北

五百里也考杜環行程記云出龜茲西北千餘里得勃
達嶺其南抵中國其北通柘枝西南至葱嶺二千里爲
渴盤隋國水南流者經疎勒入中國北流者經胡中入
西海由勃達嶺度雪海春夏常雨雪西北行千餘里得
細葉川川長千里有素葉城比國也素葉卽細葉亦曰
碎葉今名爲圖斯庫爾河亦曰吹河又名垂河自善塔
斯嶺迤邐西南至塔什漢邊界自圖斯庫爾北岸旁吹
河西北五百餘里俱爲各旗屯田折而南千餘里流出
布魯特界勃達嶺今曰八達坂一曰穆素爾達巴罕譯

言冰嶺也三藏西域記云凌山葱嶺北原也嶺南北長
百里東西數十里純冰結成人行其閒險滑萬狀中有
雪海惟羊腸一縊通人行路若遇風雪迷失道鮮能脫
者山有神獸非狼非狐躡其踪而進乃無差繆又有一
鷹如鵬色青白迷路者但尋其鳴聲方向前行卽得出
路矣岔口鳥卽產於此處唐之俱毗羅城卽今之賽刺
木城阿悉言城卽今之拜城據史德城一名握瑟德城
卽今之永寧城自此渡塔勒迦河踰巴勒渾大山至特
木勒圖海子南岸此海岸沙可以熬鐵特木勒華言鐵

圖華言有也亦產大魚長八九尺又有魚骨軟而口在
頤下莫能識者海子三垂平陸豈卽干泉耶又沿岸東
行三百里爲善塔斯嶺葱嶺之分支上多野葱其西北
卽吹河亦曰垂河所謂碎葉水也元明事類記要稱大
雲寺尋碑記耶律文正撰尙有題名記鐫金山石壁其
地爲唐碎葉城四鎮之一零馱遺甃彷彿可見有鐵鐘
一爲景雲年中所鑄亦大雲寺舊物有四十八橋亦鎮
城古蹟也云云考阿勒坦鄂拉卽金山在今伊犁惠遠
城西北四百里徐氏謂四十八橋在果子溝者非是果

子溝今城東百里卽塔爾奇山大軍定伊犁時由博羅山越嶺而入峻險如關路通一縱惟容一騎行爲果子溝林木茂密境極幽異特非長春湛如倡和觴詠地耳考伊犁山川在祀典山則曰格登山卽侍衛阿玉錫等以二十二人破達瓦齊萬人降其騎六千五百處上有御製格登山紀功銘勒石山顛在城西南百里一日厄陵哈畢爾罕山乾隆二十二年兆惠等再定伊犁由此進兵山在城東北四百里一日洪郭勒鄂拉又北洪郭勒淖爾華語鈴澤也城東北三十里一日阿勒坦鄂拉

華語金山也在城西北四百里一曰塔勒奇山大軍定

伊犁由此越嶺而入一曰阿布勒刺山將軍班第參贊

鄂容安徇節有廟在山之東距城東二百十里大川一

曰伊犁河曰阿里嗎圖河曰喀什河曰空格斯河曰撒

瑪勒河曰車集河曰奎屯河曰賽刺木淖爾即天池城

東北二百里曰察罕烏蘇曰霍爾果斯河一在城西北

城西北百二十里又有不在祀典之特木勒克河格根河哈勒

奇刺河察陵河皆在西南卡倫之外為碎葉之上游焉

至是西域諸國王俱授額利發名號按額利發為突厥官號之貴者

并遣吐屯一人監統之督其征賦唐興屢次入貢武德

初貢條支巨珣貞觀初獻萬釘寶鈿金帶馬五千匹後為從父莫賀咄所弑其

子肆葉護立為下所攻走死康居國人迎立大度可

汗貞觀十一年弟啞利失代立分國為十部部授一

箭以左廂五咄陸部置五啜居碎葉水東右廂五弩

失畢部置五俟斤啜與俟斤突厥官之尊者居碎葉水西通稱十

姓十姓者一曰處木昆二曰胡祿屋三曰攝舍提四

二曰哥舒三曰拔幹瞰四曰阿舒虛五曰阿悉結孰

泥謂之五弩失畢姓之下或綴以官或以名其例不

一其處月處密拔失密車簿即車鼻咽既而西部又

麤葛邏祿等部俱不在十姓之內也

立欲谷設為大可汗中分其地伊列以西屬欲谷以

東屬唃利失十三年其下亂作唃利失奔鏹汗那死

鏹汗那元魏之破洛那居西鞞西城在真珠河北有

大城六小城百顯慶初以為休循州漢書休循國王

治鳥飛谷在葱嶺直大宛東南水經注河水西逕休

循國葱嶺之西水皆西流是休循在葱嶺外也大唐

西域記葱嶺者據南瞻部洲中南接大雪山北至熱

池干泉西至活國東至烏鞞郭義恭廣志曰休循國

若葱嶺其山多大葱鏹汗那開元中助平吐火右部

仙改其國為寧遠當今西布魯特游牧地也
立其子庭於雖合水北謂之南廷雖合水今之瑪納
斯河在綏來縣城西三百二十里先是高昌與西突
厥相結約有急相助故唃利失遣其葉護屯兵可汗

浮屠城浮屠城即漢車師後王廷之務塗谷訛為浮屠為麴文泰聲援至是

侯君集滅高昌可汗懼而西走葉護以城降唐詔以

為庭州即北庭都護府并置屬縣今阜康縣境即其

故地後欲谷浸強使石國吐屯擊之禽以歸殺而并

其地又滅吐火羅留子為王鎮之寇伊州又以處月

處密兵圍天山軍安西都護西州刺史郭孝恪將兵

自烏骨邀擊敗之解天山圍乘勝進拔處月俟斤所

居城後以其地置金滿州沙陀州復於金菱嶺置金嶺城元和郡縣志西州北至金菱嶺至北庭都

護五百里為今土魯番廳至烏魯木齊要道雍正八年準夷襲庫舍圖嶺九年圍魯克沁四旬不下復以

木梯三百攻哈喇和卓十一年修巴里坤盤道數十折衛以關楯又修托克遜土城及根忒克運道至哈刺巴勒孫共長二百八十里軍民莫不便之

追奔至遏索山降處密之衆

而歸

按遏索山據謝氏云卽靈山也

欲谷擊康居道過米國襲破之

唐西域志米國康居之分國亦名彌未距康國北百里顯慶中以其國爲南謚州所謂康居九姓皆以昭武爲虜獲甚多不以分其將孰泥噉奪取之斬以徇

衆怒爲胡祿屋部所攻狼狽不敢歸將赴吐火羅未

至左右盡亡去乃入可賀敦城因復取白水城以居

在石國東北於是西部訴於唐立莫賀咄子爲乙毗

射匱可汗先是欲谷時以阿史那賀魯爲葉護居多

羅斯川直西州北千五百里統處月處密多邏祿哥

娑失畢五部之衆爲乙毗所迫帥所部數千帳內屬

詔處之庭州莫賀城

在庭州西延城西六十里其二後滅賀魯爲沙鉢羅守捉

十三年置瑤池都督府隸安西以賀魯爲之招集離

散部衆漸盛會太宗崩乘喪謀取西庭二州庭州刺

史駱宏義以聞遣使撫之因遣子啞運入宿衛尋遣

歸說其父擁衆西走擊破乙毗之衆併其地自號沙

鉢羅可汗建牙邪羅斯川

邪羅斯川在雙河西二百里卽千泉也與多羅斯川

東西相距二千餘里

諸家多譌爲一地也十姓及處月處密諸部與西域

諸國皆歸之乃以其子爲葉護是時其地東至突厥
西雷熹海南疏勒北瀚海

按水經注葱嶺之上河源潛發其嶺分爲二水一水西
逕休循國南又逕難兜國北又西逕罽賓國北又西逕
月氏國南又西逕安息國南與蛻羅跋禰同注雷熹海
董氏謂葱嶺以西水不爲中國河酈注因葱嶺之源連
類及之也今蔥嶺之水西流者盤曲山中其西北入達
里岡阿鄂護者川流較近與安息入海之文不合惟考
巴達克山部落南有水出雅布塔爾西流東南合額爾

古一源又西流東南合達里木一源皆出西南葱嶺中
三水合而西流逕科克倫回部南又西逕瞻伊斯巴余
回城南又西逕哈扎勒巴什紅帽回部南南合一水西
北流又南合一大水又西北逕布哈爾部落西南又北
流入騰吉斯鄂護是卽雷鵝海其海周圍數千里蓋其
時安息諸國服屬於西突厥故其西境至此也又按漢
書西域傳捐毒西上葱嶺卽休循難兜西至無雷北與
休循西與大月氏接罽賓東北至難兜西北與大月氏
接大月氏西至安息南與罽賓接安息北與康居接更

以酈注推之之則今之巴達克山依循爲其北境難堯
爲其南境痕都斯坦北境爲罽賓科克倫諸部落爲大
月氏布哈爾諸部落爲安息也西域傳大月氏都媯水
北安息亦臨媯水其卽葱嶺西流之水歟惟蜺羅跋禘
水無可考證耳

永徽元年入寇庭州攻陷金嶺城

在今巴刺勒噶
順臺東五十里

蒲

類縣

元和郡縣志南至州十八
里當今鞏寧城東九十里

殺掠數千人二年詔

以梁建方契苾何力爲弓月道

弓月城瀕伊麗河在
今庫爾喀刺烏蘇西

行軍總管發秦成岐雍府兵三萬人回紇五萬騎討

之 駱宏義上言兵本討賀魯而處月處密等亦各欲
自免請寬處月處密等罪發其騎及乙昆之兵賈
一月食急趣之大軍住憑落河上爲之景助此以夷
狄攻豺狼也天子然其奏佐建方經畧之按馮洛河
在鞏寧城西二百里唐
爲馮洛鎮隸庭州都護

冬處月朱耶孤注殺使臣與賀魯相結據牢山 按謝氏戎

幕隨筆祁連山漢曰白山亦曰天山今之博克達山
及庫舍圖嶺皆是也其橫亘南北巴里坤烏魯木齊
在山陰哈密土魯番在山陽土魯番之靈山其南幹
也亦名土番山唐書突厥謂髮爲葛索土番卽葛索
之轉亦曰遏索郭孝恪邀擊突厥於烏骨追奔至遏
索山烏骨卽烏克克嶺在今小南路漢之五船道也
遏索山卽土番山亦名靈山山石色黑有紋如毛髮
遠望分明狄靺語髮爲土番亦猶禿髮氏之爲吐蕃
也貪汗山北有石城山亦曰赤石山又曰牢山爲今
烏魯木齊之紅山唐書地理志亦曰睹蒲卽浮屠務

塗之譌按牢山與唐志堅昆部落之牢山劍水名同地異顧氏說誤

按新舊五代史皆以沙陀為同羅僕骨人其始祖為拔野古貞觀中破突厥分同羅僕骨於北庭之磧置沙陀府以拔野古為都督子孫相傳數世故其後因號沙陀云然考之北史及隋唐諸傳其說皆非也夷狄無姓氏同羅僕骨拔野古者鐵勒諸部族之三部落也以鐵勒為突厥其譌一以拔野古為人名其譌二唐以處月地為金滿州以處月世居金娑山取漢書北通後部金滿城以為州名其後子孫或自稱金山沙陀今以金滿為

沙陀其譌三唐平薛延陀鐵勒諸部內附以同羅爲龜
林僕骨爲金微拔野古爲幽陵以其酋長爲都督此貞

觀二十年事今以爲破突厥其譌四也唐考之鐵勒及

紇之先匈奴高車部也或曰敕勒訛爲鐵勒其部曰袁

紇即回紇曰薛延陀曰契苾羽曰都播曰骨利幹曰多

覽葛曰僕骨即僕固曰同羅曰渾曰思結曰斛薛曰奚

結曰阿跌曰白霽凡十五種尚有結骨俱羅勃契敝即

拔悉蜜三索咽菴即咽面鞠亦曰被諸部十五部本屬

薛延陀貞觀二十年既平延陀太宗幸靈州遣使招諭

諸部皆喜車駕至涇陽十一姓各遣使入貢稱薛延陀
不事大國不能與奴等爲主自取敗死奴等各有分地
不從延陀去歸命天子願賜矜憐乞置官司養育奴等
上大喜詔宴其使賜酋長璽書九月上自涇州至靈州
諸部相繼詣靈州者數千人咸云願得天至尊爲奴等
天可汗子子孫孫常爲天至尊奴死無所恨上爲詩序

其事曰雪恥酬百王除凶報千古勒石靈州十二月廻
紇俟利發吐迷度僕骨侯利發哥濫拔延拔野古俟利
發屈利失同羅俟利發時健啜多濫葛俟斤末思結酋
長烏碎及渾解薛奚結阿跌契苾白霫皆來朝賜宴於
芳蘭殿二十一年春正月詔以迴紇部爲瀚海府僕骨
爲金微府多濫葛爲燕然府拔野古爲幽陵府同羅爲
龜林府思結爲盧山府渾爲臯蘭州斛薛爲高關州奚
結爲雞鹿州阿跌爲雞田州契苾爲榆溪州思結別部
爲蹄林州白霫爲寘顏州各以其酋爲都督刺史各賜
金銀繒帛錦袍敕勒大喜捧戴歡呼拜舞宛轉塵中及
還宴設十部樂而遣之諸酋奏稱臣等旣爲唐民往來
天至尊所如詣父母請於迴紇以南突厥以北開一道
謂之參天可汗道置六十八驛各有馬及酒肉以供過
使歲供貂皮以充租賦仍請能屬文一人使爲表疏於
是北荒悉平其後諸部之官於朝而以功名顯如僕固
懷恩李光顏輩光顏本阿跌部人賜姓李氏而渾氏父
子尤忠於唐至天寶初迴紇裴羅始滅突厥而居其故
地建牙於烏德健山今之杭愛山也自至德以後中國

多故廻紇破有拔悉密葛邏祿二部每戰二客部常爲
先鋒拓地愈廣東極室韋西距金山南控大漠盡得古
匈奴地遂與吐蕃相抗肅宗借其兵以收兩京元和初
入朝始以摩尼至京師摩尼者可汗與其國者也其法
日晏食水飲茹葷屏滷酪是卽回教之祖也今之天主
教唐謂景教從波斯國及吐火羅國來蓋二教皆自唐
之中葉始入中國當時旣立大秦寺復立摩尼寺時廻
紇請改國名曰回鶻自元和至武宗朝不數十年竟爲
點戛斯所滅其國人至收摩尼書像焚之於道異端之
害人國夷狄且然况中國乎然其教卒不能去蔓延中
土迄於今千有餘年以默德那爲祖國僞造天方古史
以實之而不知自晉以後史書所載至爲明晰又可証
乎

永徽三年春建方等大破孤注於牢山禽斬之斬級
九千時欲谷死於吐火羅其子自號眞珠葉護與失

畢部擊賀魯破之五年以程知節為葱山道行軍大

摠管討賀魯八月與哥邏祿處月二部戰破之榆幕

谷在今嶺城東今阜康縣境副摠管周智度攻突騎施處木昆於

咽城未詳其地斬首三萬級十二月知節引軍至鷹沙川

在今烏什境中遇賊二萬騎別部鼠尼施以二萬騎繼至前

軍蘇定方帥五百騎馳擊之賊大潰追奔二十里殺

獲千五百人獲馬器械無算副摠管王文度害其功

矯稱別得旨委其節制收軍不許深入士卒跨馬被

甲結陣終日不勝疲頓馬多死定方請囚文度飛表

以聞知節不從至怛篤城

當在今疎勒境

有羣胡歸附者文

度盡殺之分其資財獨定方不取師旋文度以矯詔

坐死知節滅死免官顯慶元年以葛邏祿部分置玄

池陰山大漠三都督府

葛邏祿本突厥諸族在北庭西北金山之西跨僕固振水

包多怛嶺與車鼻部接有三族唐以為陰山大漠元

池三都督府後又分大漠置金附州後稍南徙號三

姓葉護庭州以西諸戎畏之處烏德犍山者臣於回

紇在金山北庭者徙居十姓故地盡有碎葉城怛羅

斯城遂與回紇爭強

考葛邏祿即哥邏祿唐會要踰金娑嶺即其地北與車

鼻接車鼻亦曰車簿突厥之族代為小可汗牙於金山

北千里蓋卽今撻拉巴哈台也唐會要稱其西有哥邏
祿北有點戛斯是也永徽初置狼山都督府於鬱督軍
山卽今阿爾泰山以統其衆狼山取狼居胥語也考哥邏祿之
立池府在綏靖城大漠卽接沙陁部金附州今勝金口
也陰山在翰臺縣東今阜康縣西境見元邱長春西遊
記西突厥傳稱哥邏祿部之在烏德健山者臣於回紇
回紇建牙卽在烏德健山卽今喀爾喀旂內之杭愛山
蒙古語馬鞍爲杭愛山形似之也元爲乃蠻王庭太祖滅乃蠻徙都之
卽和林也距阿爾泰山千餘里爲歷來漠北諸部建牙

之所也

二年以蘇定方爲伊麗道行軍總管帥燕然都護任

雅相副蕭嗣業瀚海都督回紇婆闐等討賀魯以阿

史那彌射與步真爲安撫大使分出金山道

此指金娑嶺而

言

定方以精騎至曳咥河賀魯與其壻胡祿屋闕啜

等二萬餘騎來拒定方令步卒據原攢稍外注自以

騎陣於北虜三犯原上軍不動定方縱騎乘之虜大

潰俘斬萬餘殺大酋二百餘人賀魯輕騎奔竄渡伊

麗河溺死無算定方命嗣業婆闐趣斜羅斯川自與

大軍踵後會大雪二丈餘軍中請須霽定方曰今霧
晦風烈虜謂我不能進必休息士馬亟追可及省日
兼功上策也遂晝夜踰雪行收所過士馬至雙河與
彌射步真合時彌射已被其據柵軍降處月諸部軍
飽氣張距虜牙二百里布陣而行徑至其牙帳賀魯
與其徒將獵掩擊之俘數萬獲器械鼓燾賀魯跳免
定方追至碎葉水盡奪其衆賀魯與子陁運將奔鼠
褥設至石國之蘇咄城齎寶入城且市馬城主伊溫
達干許將酒食出迎遂拘而執之會嗣業兵至以賀

魯還西域遂平

石國一名柘枝又曰赭時漢故康居小王窳匿城地東北與西突厥接西

南行五百里至康國有藥殺水出石西南流入中國

謂之真珠河亦口質河按唐志赤山城西三十里渡

真珠河赤山今之鹽山去阿克蘇城六百里又石國

傳云石東南千里有阨捍者山四環之西千里距堵

利瑟那東臨素葉水水出葱嶺北原色濁西北流入

大磧無水草五百餘里即康也又龜茲傳云姑墨城

西三百里度石磧至凌山葱嶺北原也素葉水即細

葉川即碎葉城北水亦曰碎葉川以此推碎葉川水

源於今之冰嶺今烏什之胡什奇河亦出冰嶺但東

流又阿克蘇之渾巴什河在城西五十里源出冰嶺

又踰嶺南行八十里至塔木台河流浩瀚皆冰山湧

出之水然皆東流入羅布淖爾惟葱嶺西界之水盤

曲嶺中滙為圖斯庫爾者當即所謂碎葉水也真珠

河當即水經之姑墨川水經云姑墨川水導姑墨西

北歷赤沙山東南流是也蓋石之南北長千里有餘

今其南境在布魯特游牧界北境入於哈薩克也大

唐西域記云赭時國周千餘里西臨葉河東按佈捍西狹南北長在漢時當為康居極北境焉即簽罕

詔以彌射為昆陵都護押五咄陸步真為濠池都護

押五弩失畢仍據部落降者準其大小授官分授五

咄陸為都督隸北庭都護府攷通典及唐會要諸府州部但有分地無州縣

戶口隨地畜牧今以諸書考之所謂嗛鹿乃嗛昆之

訛其分地在今伊犁東北接塔拉巴哈台之沁達關

山訶延都督府在今庫爾喀喇烏蘇之西北接雙

河都督西南接絜山都督其正南至烏什之地為鷹

亥都督鹽泊都督府常今精河城西北其地有鹽海

與鹽泊州接尚有陰山大漠輪臺金滿鹽祿五都督

焉府四年彌射斬真珠葉護於雙河時鐵勒思結部叛疎

勒朱俱波渴盤陀三國同反攻於闐破之蘇定方討

之軍業葉水

今喀刺沙拉之著勒土斯河至納刺特嶺河也

思結保馬頭川

即著勒土斯川

定方以精騎三千馳一日夜及之思結戰敗

懼而降龍朔二年發昆陵濠池二部兵討龜茲摠管

蘇海政殺彌射

步真素怨彌射誣其謀反海政不能察矯稱敕以帛賜彌射及諸酋長至

則悉收斬之

其部下鼠尼施拔塞幹兩部畔走追討平之

軍還至踈勒南弓月部引吐蕃兵至海政不敢戰以

軍資賂吐蕃得還

按胡氏云自弓月城過思渾川度伊列河方至碎葉界方輿記要云

在焉耆西北又引唐書地理志在庭州西千里踰車嶺至弓月城又撥換城即姑墨城也南臨思渾河乃

西北渡撥換河中河距思渾河百二十里至小石城
 又二十里至於闐境之胡盧河又六十里至大石城
 卽溫肅州又云自撥換西南渡思渾河一百八十里
 和平鋪也又經達幹城百二十里至謁者館又六十
 里至據史德城龜茲境也一日蔚頭州在赤河北岸
 孤石山蔚頭城漢尉頭國也漢書西域傳尉頭國王
 治尉頭谷卽白山之谷南與踈勒接山道不通西至
 捐毒千三百一十四里徑道馬行二日徑道者山徑
 之道也今自烏什至喀什噶爾驛程二千二百二十
 里而沿烏蘭烏蘇徑路凡六百餘里殆卽徑道也唐
 志渡赤河經岐山三百四十里至葭蘆館又經達漫
 城百四十里至踈勒赤河當卽烏蘭烏蘇又漢書西
 域傳溫宿東通姑墨二百七十里姑墨南至於闐馬
 行十五口今阿克蘇城距烏什城與漢書溫宿西至
 尉頭三百里數畧同自滴水厓經阿余巴特臺折
 而西南行至阿克蘇城南有道通和闐此卽馬行十
 五日之道思渾河當卽今之木拉特河弓月城當瀕
 木拉特河或以謂瀕伊犁河者非是范氏云在焉耆

西北及在庭州西千里者特以梁建方等討賀魯爲
弓月道行軍總管故有此臆揣觀弓月部屢攻於闐
及疎勒與吐蕃相結可知。又按徐氏謂弓月城在
其地在今阿克蘇東北也。喀刺烏蘇西者亦非

自彌射被害諸部離心弓月及思結咸叛定方旣平
思結惟弓月頻攻於闐麟德元年詔西州與安西共
擊弓月以救於闐時步真亦死十姓無主阿史那都
支與李遮旬者以其餘衆附吐蕃邊患愈棘咸亨元
年夏吐蕃連陷西域十八州襲龜茲撥換城以兵戍
之朝議罷四鎮以都支爲延旬都督以安集五咄陸
之衆旣而弓月南結吐蕃北招咽麴攻降疎勒乃詔

蕭嗣業徵兵討之大軍未至弓月懼與疎勒同入朝

上赦其罪遣歸上元初都支與吐蕃連和侵逼安西

上以問廷臣尙書裴行儉請以便宜取之乃命行儉

往執都支與遮旬以歸以王方翼檢校安西都護討

平車鼻及咽楚諸部

唐書西突厥傳及裴儉王方翼傳云朝議將討都支行儉曰吐

蕃爲寇豈可復事西方今波斯王卒其子方爲質於

我宜遣送歸國道過二虜以便宜取之可不血刃禽

也從之以行儉爲副立波斯王兼安撫大食使以肅

州刺史王方翼爲副仍令檢校安西都護初行儉嘗

爲西州刺史及奉使過州悉召其豪傑子弟千餘人

自隨且揚言天時方熱須涼乃西上都支覘知不爲

備行儉徐召四鎮諸胡酋長謂曰昔在西州縱獵甚

樂今欲尋舊賞誰當從者諸胡爭請從行得萬人陽

樂今欲尋舊賞言官行

為畋獵校勒部伍數日遂倍道西進去都支牙十餘里先遣都支所親問其安否外示閑暇似非討襲積使促召相見都支先與遮俞約以秋中拒唐猝聞軍至計無所出帥其子弟上謁遂禽之傳其契箭悉召諸部首長執送碎葉城簡其精騎追掩遮俞并禽以歸因留方翼重築碎葉城立四面為十二門皆屈曲作隱伏出沒之狀五旬而畢羣胡競來觀之因獻方物至是車簿率十姓反圍弓月城方翼引軍救之破虜衆於伊麗水斬首千餘級俄而三姓咽麪與車簿合兵來拒戰於熱海流矢貫方翼臂以佩刀截之左右不及知時所將胡兵謀執方翼以應車簿方翼知之悉召其酋長會議佯出軍資賜之以次引出斬之會大風又振金鼓以亂其聲誅七十餘人其徒莫之覺既而分遣裨將襲擊車簿咽麪大破之禽其酋長三百人西域遂定

按弓月城介在疎勒於闐之間控帶二鎮與撥換皆為

西域要害通典安西都護距白山十姓突厥三百里時
方翼自碎葉鎮城引兵救弓月史稱其初次葛水時暴
漲沉玉以禱師涉而渡無一失陷者七月至葉河無舟
而冰一夕合時以爲神葛水今無考按伊麗橫亘東西
銅鉛二廠南抵厄魯特上三旗界皆河之上流秋夏水
漲率不可渡故鄂卜圖特木里克雅巴鄂爾三處卡倫
皆夏秋水漲卽撤葛河疑亦在此自此而西南渡河又
西南渡碎葉川而至熱海通典稱碎葉川東頭有熱海
是也今考寰宇記云從撥換西北二百里至大石城卽阿

克蘇又西北經拔達嶺即今水嶺傍熱海西按今此路不設臺亦無人行又

西北至碎葉城約一千四百里又從撥換正南渡思渾河始至弓月城疑弓月城在今拜城之西北白山下即唐之車嶺也紀要譌以爲瀕伊麗河也咽麵爲鐵勒三姓非突厥種其部在德嶽海亦曰極嶽海蓋以蔥嶺得名其水從葱嶺流出滙於海子今伊西洱庫爾淖爾疑卽是也車簿亦稱車鼻突騎施之別種卽黑姓突厥也其部在雪海東北二部皆與踈勒鎮城接界者也

西突厥十姓自垂拱以後爲北突厥侵掠散亡畧盡

武后以彌射子元慶為昆陵都護步真子斛瑟羅為

濛池都護使撫存十姓既而元慶為酷吏所陷死惟

斛瑟羅收碎葉以西餘部六七萬眾徙居內地會西

州都督唐休璟請復四鎮乃以王孝傑為武威道行

軍總管將兵擊吐蕃長壽元年冬十月孝傑大破吐

蕃復取四鎮

唐書王孝傑傳孝傑初從劉審禮沒蕃贊普見而泣曰貌類吾父厚禮之得歸

久在吐蕃知其虛實至是遂破吐蕃而取四鎮

詔仍置安西都護府於龜茲

發兵戍之延載元年孝傑破吐蕃勃論贊刃西突厥

可汗俊子等於冷泉又敗之大嶺谷

冷泉及大嶺谷皆在今西寧府

斬獲三萬餘人碎葉鎮鎮守大使韓思忠又破西突

厥泥孰俟斤等萬餘人萬歲通天元年吐蕃遣使請

和親太后遣胄曹參軍郭元振往察其宜時唐兵新敗於素羅

汗山吐蕃將論欽陵請罷安西四鎮戍兵求分十姓

突厥之地元振使還上言四鎮十姓吐蕃之所欲而

青海吐谷渾亦我之要地也今宜報之曰四鎮十姓

本無用於中國遣兵戍之欲以鎮撫西域分吐蕃之

勢使不得并力東侵也今若無東侵之志當歸我吐

谷渾諸部及青海之地則五俟斤部亦當以歸吐蕃

此則足以塞欽陵之口而亦未與之絕也且四聖厯

鎮十姓歛附日久割而棄之非所以御四夷也

二年突騎施烏質勒遣子入見遣侍御史解琬安撫

烏質勒及十姓部落久視元年以斛瑟羅為平西軍

大摠管鎮碎葉時阿悉結簿露叛詔田揚名與封思

業討之揚名引斛瑟羅之衆攻其城不克九月簿露

詐降誘而斬之

按阿悉結爲五弩失畢之一簿露其名也

突騎施酋長烏

質勒本隸斛瑟羅善撫其下諸部歸之斛瑟羅不能

制乃徙餘部內附既入朝烏質勒悉并其地徙其帳

於碎葉城中宗初郭元振爲安西大都護詣烏質勒

牙帳議軍事天大風雪元振立帳前與語久之雪深

元振不移足烏質勒年老不勝寒會罷而卒其子娑

葛將攻之元振入哭甚哀遂待元振如初景龍元年

春以娑葛襲嗚鹿都督懷德王

通鑑初娑葛既代烏質勒統眾父時故將

闕啜忠節不服相攻擊忠節不能支金山道行軍

管郭元振奏追忠節入朝行至播仙鎮經畧使周以

梯說之令發安西兵及引吐蕃以擊娑葛求阿史那

獻為可汗以招十姓使郭虔瓘發拔汗那兵以自助

厚賂宰相宗楚客請留不行忠節然其言遣問使賂

宰相如周以梯策元振聞其謀上疏以為吐蕃求十

姓四鎮之地而未獲今忠節直欲為吐蕃鄉導恐四

鎮之禍自此始使吐蕃得志忠節在其掌握若破娑

葛有功請分於闐疏勒不知以何理抑之又其所部

諸蠻及婆羅門等方不服若借唐兵助討又不知以

何詞拒之又阿史那獻父元慶叔父僕羅兄俊子及

斛瑟羅懷道等皆可汗子孫也往者唐及吐蕃徧曾

立之以為可汗欲以招撫十姓皆不能致雖可汗舊

種終不親附况又疏遠於其父兄乎若使忠節兵力

自能誘脅十姓則不必求立可汗子孫也楚客不從

遣馮嘉賓持節安撫忠節呂守素處置四鎮以將軍

牛師獎為安西副都護兼徵吐蕃以討娑葛娑葛遣使獻馬在京師聞共謀馳還報娑葛於是娑葛發五千騎出安西五千騎出撥換五千騎出焉耆五千騎出疎勒入寇元振在疎勒柵於河口不敢出忠節逆嘉賓於計舒河口娑葛遣兵襲之生擒忠節殺嘉賓禽呂守素於僻城縛於驛柱丹而殺之牛師獎與突騎施娑葛戰於火燒城兵敗沒遂陷安西斷四鎮路上表求宗楚客頭楚客奏以周以梯代郭元振統眾徵元振入朝以阿史那獻為十姓可汗置軍於焉耆以討娑葛娑葛遣元振書稱我與唐初無惡但讐關吸宗尚書受金枉破奴部落馮中丞牛都護相繼而來奴豈得坐而待死又聞史獻欲來徒擾軍州恐未有寧日乞大使商量處置元振奏娑葛書楚客怒奏言元振有異圖召將罪之元振使其子鴻道具奏其狀乞留定西土周以梯竟坐流白州復以元振代以梯赦娑葛罪冊為十四姓可汗

考一統志火燒城在莊浪衛南岔口堡北十六里又按

秦邊紀畧及西寧圖說俱云火燒城在岔口北鎮羌堡東切近曹家鋪爲黑番朵卜藏族住牧地記畧稱其地爲莊浪控扼諸番之地有守備駐城番之羊馬犏牛駝牛充斥道路設塘兵十二名馬十二匹較故明時裁十之二耳攷其地北通準噶爾與大通河相距甚近渡河卽青海諸部遊牧不能域以封疆之限也今攷之名臣奏疏元振疏稱牛師獎以甘涼兵閒道趣鄯州吐蕃兵未至師獎已全軍覆沒是兵未嘗至安西史稱婆葛已陷安西以兵斷四鎮道數道入寇是師獎未至西寧卽

遇娑葛兵而敗績也顧氏方輿紀要臆揣之而云火燒城在龜茲城西北大謬又唐書地理志渡且末河五百里至播仙鎮故且末國城也又云自焉耆西五十里過鐵門關又西二百七十里至龍泉守捉又六十里至東夷僻守捉又七十里至西夷僻守捉是卽所謂僻城也記要謂播仙城在龜茲北亦誤又謂城與計舒河俱在龜茲界者俱謬

景雲二年以阿史那獻爲十姓安撫使先天元年冬沙陀金山遣使入貢沙陀卽處月姓朱邪氏

按朱邪孤注從

賀魯戰於牢山為契苾何力所斬自永徽二年至此始再見其後至元和中朱邪盡忠與子執宜見於中國始以朱邪為姓至孫又賜姓李氏

開元二年二月默啜兵圍北庭城都護郭虔瓘擊破之殺默啜子同俄特勒三月西

突厥十姓酋長都擔叛據碎葉鎮磧西節度使阿史

那獻擒斬都擔克其城降其部落二萬餘帳突厥十

姓胡祿屋等諸部詣北庭降遣散騎常侍解琬詣北

庭宣慰降者隨便宜區處

是歲突騎施可汗娑葛之弟遮弩恨所分部落少叛

入默啜請為鄉導以伐之默啜擊敗娑葛虜之而還謂遮弩曰汝畔其兄何有於我遂并殺之時默啜屢破葛邏祿胡祿屋鼠尼施等三姓救北庭都護湯嘉惠與葛邏祿胡祿屋等相應安西都護呂休璟與鼠

尼施等相應與十姓大首領及定邊道大總管史獻互相救援高麗莫支離文簡默啜之婿也與跌跌都督思秦等亦自突厥帥眾來降九姓思結都督磨散等來降詔悉除官遣還以郭虔瓘為

安西大都護兼四鎮經畧大使

虔瓘請募關中兵萬人詣安西討擊皆給

遞馱及熟食將作大匠韋湊疏諫不從先是御史張

孝崧奉使還陳磧西利害請往察其形勢上許之拔

汗那者古烏孫也內附歲久吐蕃與大食共立阿了

達為王發兵攻之拔汗那王兵敗奔安西求救孝崧

謂都護呂休璟曰不救則無以號令西域遂帥旁側

戎落兵萬餘人出龜茲西數千里下數百城長驅而

進攻阿了達於連城躬擐甲冑督士卒急攻自己至

酉屠其三城俘斬千餘級阿了達與數騎逃入山谷

孝松傳檄諸國威振西域大食康居大宛罽賓等八

國皆遣使請降時娑葛已死其將蘓祿善綏撫十姓

歸之有衆二十萬自立爲酋長遣使入見以爲金方

道經畧大使四年夏拔曳固斬默啜首來獻時大武

軍子將郝靈荃奉使在突厥以其首歸之默啜北擊拔曳固大

破之於獨樂水恃勝輕歸不爲備遇拔曳固迸卒頡

質畧自柳林突出斬之以其首與郝靈佺與偕詣闕

懸其首於藁街拔曳固回紇同羅嚮僕固五部皆來

降置於大武軍北默啜死國人立骨咄祿之子右賢

王默棘運是為毗伽可汗國人謂之小殺也默啜自則天世為中國患傾天下之力不能克靈荃得其首自謂不世功宋璟為相逾年始授郎將靈荃慟哭而死按默啜之死乃拔曳固之力靈荃因人以為功酬以郎將賞過其實唐史以璟抑其功賞殊不然也時鐵勒九姓降戶多處河曲并州長史王峻上言謂此屬徒以國喪亂歸我若彼安寧必復叛去今置之河曲往往不受軍州約束興兵剽畧與北虜聲問往來乃是畜養此屬使為閒諜虜騎南牧必為內應宜徙之內地及聞小殺立果畔命朔方大摠管薛訥發兵追討王峻引并州兵西濟河追擊大破之於黑山呼延谷先是降戶之叛單于副都護張知運不設備與之戰於青剛嶺為所禽至是虜敗釋之而去上以其喪師斬以徇時突騎施蘇祿部

眾浸彊陰有窺邊之志五年五月安西副大都護湯

嘉惠奏蘇祿引大食吐蕃謀取四鎮圍撥換及大石

城已發三姓葛邏祿與阿史那獻擊之

七年春俱密王那羅延康王烏勒伽安王篤薩波提

皆上表言為大食所侵掠乞兵救援八年夏遣使賜

烏長王骨咄王俱位王冊命三國皆在大食之西大

食欲誘之叛唐三國不從故褒之

按烏長即烏葺即北天竺又曰烏茶

骨咄在鑊沙之東或曰阿咄羅俱位亦曰商彌在大

雪山勃律河北地寒冬窟室三國皆近唐不在大食

西此

冬突厥寇甘涼敗河西節度楊敬述掠契苾部

落而去先是王峻奏請西發拔悉密東發奚契丹期以秋掩毗伽牙帳於稽落水上毗伽聞之懼

瞰欲谷曰拔悉密在北庭與奚契丹相去絕遠勢不相及惟拔悉密輕而好利得王峻約必先至峻與張

嘉貞不相悅奏請多不相應必不敢出兵駿兵不出
拔悉密獨至逼突厥牙帳不見朔方兵懼而引退毗
伽欲擊之噉欲谷曰此屬去家千里將死戰未可擊
也不如以兵躡之去北庭二百里分兵間道先圍北
庭因縱擊大破之拔悉密趨北庭不得入遂爲突厥
所虜噉欲谷引兵還出赤亭掠涼州羊馬楊敬述出
兵邀之大敗毘伽由是十年吐蕃圍小勃律王沒謹
大振盡有默啜之衆

忙求救於北庭節度使張孝崧曰勃律唐之西門勃
律亡則西域皆爲吐蕃矣孝崧乃遣疏勒副使張思
禮將蕃漢步騎四千救之晝夜倍道與勃律兵合擊
吐蕃大破之斬獲數萬復其九城

唐書大勃律亦曰布露直吐蕃西與小勃律接西隣北

天竺烏菟地役屬吐蕃小勃律其東少南三千里距吐
 蕃贊普牙西八百里屬烏菟東南三百里大勃律正南
 五百里个失密北五百里當護密之娑勒城王居孽多
 城城臨娑夷水其西山巔有大城曰伽羅布又烏菟傳
 曰東距勃律六百里考高仙芝討小勃律自安西過撥
 換城入握瑟德城即據史德城今之烏什城也經疎勒登葱嶺涉播
 密川共八百里頓特勒滿川唐書五識匿東五百里距葱嶺守捉所南三百里屬
 護密西北五百里抵俱密有大谷五酋長自分軍爲三
 爲治播密川四谷稍不用王號令俗皆窟室
 疎勒趙崇玘自北谷道即五谷之一也撥換賈崇瓘自赤佛道

仙芝自護密道約會於吐蕃連雲堡

唐書護密北魏之鉢和橫千六百里

縱狹僅四五里城北臨烏許河地當四鎮入吐火羅道故役屬吐蕃連雲堡本護密地吐蕃築堡戍之

攻破連雲堡又進三日至坦駒嶺下峻阪四十餘里行

四日前至阿弩越城城主迎降遂入小勃律都城

開元中吐

蕃奪小勃律九城阿弩越城亦其一也

按北魏宋雲西域取經記程稱八月下旬由渴盤陁行

至九月中旬入鉢和國十月初入歙達國十一月初入

波斯國稱其國境甚狹七日行過與唐書波斯傳不合

而道里遠近迥絕或波斯在北魏尚未併有安息諸國

時國甚貧小也唐書稱商彌地大二千里東北踰山七
百里至波謎羅川東西千里南北百里春夏雨雪與宋
雲稱波斯國有水昔日甚淺後山崩絕流變爲二池毒
龍居之冬夏暴雨積雪行人艱難之言相脗合豈北魏
之波斯卽唐之波謎羅川耶又云十一月中旬入賒彌
國唐書稱賒彌卽商彌在大雪山勃律河北常助小勃
律爲中國候又云劫國居葱嶺中西及南距賒彌西北
歛達也又越底延卽縛底野西北千里至賒彌小勃律
南爲个失密北當護密之娑勒城吐蕃常謂小勃律曰

我非謀尔國假道攻四鎮爾又考个失密一曰伽濕彌
羅北距小勃律五百里大唐西域記謂之婆羅吸摩補
羅繇地四千里山周其外土沃北大雪山卽東女也唐
書云王治撥邏勿羅布邏城與西域記同開元初來朝
且言有國以來並臣天可汗受調發國有象馬步三種
兵臣身與中天竺王扼吐蕃五大道禁出入戰輒勝有
如天可汗兵至勃律者雖衆二十萬能輸糧以助考開
元中破平朱俱波渴盤陀置葱嶺守捉所爲安西極邊
戍其西五百里卽五識匿由此而南三百里卽護密由

護密道吐火羅入商彌過河而南卽至小勃律高仙芝
自疎勒入葱嶺宋雲自於闐入葱嶺故微有不同个失
密今之克什米爾諸書以爲痕都斯坦者訛也按唐書
皮山西境有凍凌山鑿冰乃可度今其山在克什米爾
之東北境過此卽痕都斯坦疑皮山并入克什米爾唐
書所云在於闐西南七百里疑尚有譌文也蓋護密當
四鎮入吐火羅孔道而小勃律又爲吐蕃入護密孔道
此吐蕃之所欲得四鎮十姓也得四鎮十姓則與吐谷
渾及青海合東西南北惟所欲之故肅代以後其禍益

烈也 按葉氏外譯存考渴槃陁距疏勒五百里今自喀

什噶爾至入達克山六百里據此則渴槃陁似在

今內地與八達克山分界也又大唐西域記出吐火羅

境經尸棄尼商彌東北踰山越谷行七百里至波謎羅

川東西千餘里南北百餘里狹隘之處不逾十里據兩

雪山間故寒風淒勁春夏飛雪地鹹鹵多沙石播植不

滋空荒無人跡川中有大龍池東西三百里南北五十

里據大葱嶺內地最高西派一大流西至達摩鐵悉帝

東界與縛芻河合而西流東派一大流東北至佉沙國

界與徒多河合而東流故此已右水皆西流已左水皆

東流池水色青黑味甘美自此東南行五百餘里至竭

盤陁按大龍池今日哈刺淖爾華言黑海也魏氏以為

卽官軍追霍集占未至巴達克山沿海塵戰之地是其

地為內外交界之地蓋 本朝西界約畧與唐同也今

考波謎羅川卽播密川 尸棄尼卽五識匿也

西域考古錄卷第十

海月堂
襟著

海鹽俞浩
湛持甫

伊犁惠遠城下

哈薩克部落考

塔爾巴哈臺

綏靖城

十二年以杜暹為安西副大都護積西節度使因暹嘗

事至突騎施饋之金受而埋之幕下出境移牒令取
之虜大驚度積追之不及及安西都護闕上知其清
慎遂有是命先是以史懷道女為交河公主嫁突騎
施可汗蘓祿公主遣牙官以馬千匹詣安西互市使
者宣公主教暹怒曰阿史那女何敢宣教於我杖其
使者留不遣馬經雪死盡蘇祿大怒發兵寇四鎮會

遲入朝趙願貞代為都護嬰城自守人畜積儲為所掠安西僅存聞遲入相始引退既而引吐蕃圍安西為願貞所破其明年安西兵復敗吐蕃於曲子城

二十六年突騎施酋長莫賀達干襲殺其可汗蘓祿

大纛官都摩支立其子骨啜為吐火仙可汗收餘衆

與達干相攻磧西節度使蓋嘉運以聞上命招集突

騎施拔汗那以西諸國初蘓祿攻戰所得以分諸部衆樂為用及尚公主突厥吐

蕃又各妻以女用度浸廣由是不以分晚年病風一手寧縮其部落又分黃姓黑姓互相乖阻都摩支初與達干連謀既而背之立吐火仙據碎葉鎮城與黑姓可汗爾微特勒相結連兵拒唐

蓋嘉運攻碎葉城吐火仙出戰敗走禽之於質邏嶺

分遣䟽勒鎮守使夫蒙靈訾與拔汗那王潛兵入怛
羅斯城禽爾微特勒悉收散髮之民數萬以與拔汗
那王處木昆鼠尼施弓月諸部先隸蘓祿者皆帥衆
內附請徙居安西管內詔以阿史那昕爲十姓可汗
達干聞之怒曰首誅蘓祿我之謀也今立史昕何以
賞我帥諸部叛乃以爲小可汗使統突騎施之衆達
干始降復以兵納史昕於突騎施至俱蘭城爲達干
所殺河西節度使夫蒙靈訾討斬之請立黑姓骨咄
祿昆伽爲十姓可汗冊都摩支爲三姓葉護是年突

西戎志卷之十一
厥內亂拔悉密回紇葛邏祿三部攻殺其可汗推拔
悉密爲可汗回紇葛邏祿自爲左右葉護共攻殺突
厥所立烏蘇可汗俄而回紇葛邏祿復共攻拔悉密
可汗殺之回紇骨力裴羅自立爲毗伽闕可汗遣使
言狀冊爲懷仁可汗立牙帳於烏德犍山斥地益廣
東際室韋西抵金山南跨大漠盡有突厥故地舊統
藥邏葛等九姓其後又併拔悉密葛邏祿凡十一部
各置都督每戰以二客部爲先鋒

按回紇其先匈奴高車部也魏晉曰勅勒訛爲鐵勒凡

十有五種九姓十一部自大秦海西唐書所稱曷薩部亦鐵勒非突厥也若骨利幹都播二部又在室韋部落之北矣回紇者十一部之一本曰袁紇亦曰烏紇曰烏護至隋曰韋紇本臣於突厥大業中處羅可汗阮殺其酋豪數百乃并僕骨同羅拔野古叛去自稱俟斤突厥亡惟回紇與薛延陀最強樹牙獨樂水上後又殘破薛延陀有其地貞觀中與諸部同入朝拜其酋長吐迷度爲瀚海都督爲兄子所弑擢其子婆閏左驍衛大將軍及平賀魯收北庭討高麗有功龍朔中以燕然都督領

回紇更號瀚海都護府以磧爲限大抵西北諸蕃悉隸
之今之喀爾喀四部七十四旗地皆唐瀚海燕然金微
幽陵等六部地也至德以後回紇強盛唐以其兵復兩
京自關隴失陷後伊西北庭及四鎮節度倚以禦吐蕃
通貢道然虜性貪憚求索無厭沙陀六千帳本與北庭
相依及葛邏祿之附回紇者皆苦其虐遂附吐蕃陷北
庭葛邏祿者突厥諸族居北庭西北跨僕固厥水包多
但嶺東扼金山今阿爾泰山也西接車鼻部唐以爲玄
池都督府卽塔爾巴谷臺也其居北庭接瀚海軍者爲

陰山都督府今之阜康縣境內唐輪臺縣地其居沙陀部南爲大漠都督府後又分置金附州今之勝金口也旣叛回紇徙居十姓突厥故地盡有碎葉怛羅斯諸城然限於回紇朝會不能自達考烏德鞬山卽今之杭靄山鬱督軍山卽阿爾泰山也謝氏西北域記大青山之南曰歸化城城南三十里曰黑河自歸化城西北行至杭靄山皆蒙古部落東至烏朱穆秦西至大流沙古瀚海今日戈壁唐地理志中受降城五百餘里至鷓鴣泉又十里入磧是也元劉郁西使記自和林出兀孫中西

北行二百餘里地漸高入站經瀚海地極高寒雖暑酷
雪不消山石皆松文西南七日過瀚海行三百里地漸
下有河濶數里曰昏木輦夏漲以舟楫濟數日過龍骨
河復西北行與別失八里南路相直近五百里河西注
潞爲海約千餘里曰乞則里八寺多魚可食有礮磴亦
以水激之行漸西有城曰業騰又西南行過孛羅城山
多柏不能株絡石而長城居肆囿間錯城北有海鐵山
風出往往吹行人墮海中西南行二十里有關曰鐵木
兒懺察守關者皆漢民關逕崎嶇似棧道出關至阿里

麻里城按和林在大漠之西因地有哈刺和林河故名
後改轉運和林司白元世祖遷都燕京改設宣慰司大
德中始立和林等處行中書省置總管府皇慶中改嶺
北行省更名和寧路爲一代巨鎮自此北行三千里名
阿只海子又五百里至謙州益蘭州再行千里至大澤
云唐書地理志回鶻衙帳東有平野西據烏德犍山南
依噶昆水北六七百里至仙娥河又正北如東過雪山
松樺林及諸泉泊千五百里至骨利幹又西十三日行
至都播部落又北六七日至堅昆部落有牢山劔水又

自衙帳東北渡仙娥河二千餘里至室韋骨利幹之東
室韋之西有鞠部落亦曰穢部落其東十五日行有俞
折國室韋正北十日行有大漢國又北有骨師部落推
此註知回鶻牙在今杭靄山東盟昆水今鄂爾昆河骨
利幹及堅昆今皆入俄羅斯地常安行國風土記杭靄
山形如馬鞍得名西北域記杭靄山逾沙嶺其北曰烏
業烏蘇其南即古車師後王庭又云杭靄山與賀蘭山
南北相對烏業烏蘇與肅州相對今烏里雅蘇也阿爾
泰山與土魯番相對中間南北相距約三千里又金烏

古孫使蒙古記初出北界行西北向地浸高坎夏國前
七八千里山之東水盡東山之西水盡西地浸下蓋地
形如此魏氏謂過阿爾泰山者誤矣考元時有別失八
里兀孫等處宣慰司又別失八里盜起明安敗之於忽
闌兀孫兀孫一作和孫今巴里坤至烏里雅蘇是也龍
骨河今喀刺烏蘇河古之黑水河王象之謂河中獲龍
骨尋文故以名魏氏以科布多西南五百里之烏隴布
爾河當之以乞則里八寺爲赫薩尒巴什今考烏隴布
爾河上承赫薩爾巴什廣袤僅數十里河水東北流無

西注理按祁氏西陲紀畧謂北路之水在伊犁者多西
流在塔爾巴哈臺者多東流在迪化州者多北流伊犁
上流如昌曼哈什空吉諸河皆西北流入巴勒喀什淖
爾其淖爾東西八百里南北百數十里惟此足以當之
魏氏又以字羅城北之海卽伊犁東北百餘里之賽里
木淖爾而以阿里麻里卽今之伊犁城考褚氏西域圖
志洪氏乾隆府廳州縣志皆以伊犁爲元之阿勒穆爾
蓋卽阿里麻里之轉則魏氏之言似有據矣然考之耶
律文正西游錄及烏古孫使蒙古記又似不然按西游

錄云戊寅春三月出雲中抵天山涉大磧踰沙漠達行
在所明年大舉西伐道過金山時方盛夏雪凝冰積斲
冰爲道松檜參天花草彌谷金山而西水皆西流入海

其南有回鶻城名別石把有唐碑所謂瀚海軍也

唐書回鶻

傳曰回鶻之亡其遺帳伏山林間狙盜諸蕃以自給懿
宗時大會僕固俊自北庭擊吐蕃斬尙恐熱傳首京師
於是西庭二州俱恢復遣使請命於朝其後史亡其傳
然其國卒不振時以羊馬至邊互市云此回鶻五城之
所由也瀚海軍在北庭景龍初郭元振所置別石
把卽別失八里之轉元有別失八里行中書省

瀚海去城數百里海中有嶼其上皆禽鳥所落羽毛城
西二百里輪臺縣唐碑在焉城之南五百里有和州

卽唐之高昌亦名伊州考元和郡縣志太平寰宇記唐

北庭都護府所管三軍防制突騎施堅昆統瀚海天山

伊吾瀚海軍在城內兵一萬二千人是也

考和州遼人所置七州之

一高昌唐之西州

此云伊州非是又云過瀚海千餘里有不刺城城南

有陰山東西千里南北二百里山頂有池周圍七八十

里池南地皆林檎樹陰翳翳不露日色出陰山有阿里

馬城西人目林檎曰阿里馬附郭皆林檎園故以名附

庸城邑八九多蒲萄梨果播種五穀一如中原又西有

大河曰亦列其西有城曰虎司窩魯朵卽西遼之都附

庸城數十又西數百里有塔刺思城云按此錄所言山頂有池周圍七八十里非指今博克達山之大龍潭而何其山麓尙有小龍池在今阜康吉木薩境內吉木薩距北庭三百七十里錄中謂過瀚海千里者亦訛按長春記云宿輪臺縣東陰山下卽此陰山蓋本唐之陰山都督府元初猶沿舊稱其云東西千里南北二百里亦與今博克達山廣袤合北庭至伊犁二千里喀刺烏蘇爲適中地今慶綏城西南之喝只山爲將軍圍場亦博克達山之分榦也阿里馬城當在其左右若亦列河卽

伊麗河之轉亦卽今伊犁河虎司窩魯朵又虎斯幹耳
朵之轉又據烏古孫使蒙古行記云至回紇國國之益
離城卽回紇所都益離亦伊麗之轉則今之伊犁實爲
西遼舊都而非阿力麻里斷無疑矣長春記中稱至阿
力麻其地出帛曰禿鹿麻徐氏謂在霍爾果斯嶺未知
何據按阿力麻里本海都分地至元五年海都叛世祖
敗之北庭追至阿力麻里海都遠遁乃班師計往反不
及五旬乃元史稱自回鶻五城西北至阿力麻里四五
千里則往反幾及萬里雖師行迅速豈有晝夜奔馳之

理惟常德西使記云過龍骨河西北行與別失八里南路相直五百里則龍骨河當在迪化州東南五百里所云西指之河或指伊犁上流之昌曼河言下言瀦爲乞則里八寺是因河及海非必身經特連類記之耳李羅城北之海董氏以蒲類海當之觀下文出關始至阿力麻里核之西游錄所記則董氏之言頗有依據又西使記云二十八日過塔刺寺蓋卽西游錄之塔刺思城孔氏繼涵以爲卽塔什罕似未見耶律所錄者今按葉氏圭綬外譯存考謂塔什罕明之達失干西使記之別石

蘭常德三月初一過賽藍城三日過別石蘭四日過忽
牽河八日過尋思干城引西游記以証之記言自塞藍
城三日行至一城其王亦回紇也明日復歷一城又行
二日至霍闡河由浮橋渡泊於西岸其河源出東南二
大雪山閒色渾而流急深數丈西北注不知幾千里河
之西南絕無水草者二百里又至一城得水草復經三
城山行半日入南北平川仲冬十有八日過大河至那
米思干城大城之北西契丹之河中府也按霍闡河卽
忽牽河別石蘭卽塔什罕常德乘傳故行速長春安車

蒲輪故行遲

按西域記窣堵利瑟那國東臨葉河河出葱嶺北原西北流浩瀚濁急從此西北入

沙磧絕無水草望大山尋遺骨以知所指行五百里至

颯秣建國唐言康國也以此推之西遊記之西南亦是

西北之說明史沙鹿海牙城依河河勢衝急有浮梁以

濟人西有大沙洲可二百里無水有臭草熬汁曰阿魏

其東北二百里曰達失干城小而多林木漢書康居冬

治樂越慝地去夏治蕃內馬行七日今自霍罕至塔什

罕里數正合霍罕明史之撒馬兒罕元之尋思干城耶

律文正云西人謂肥為尋思干言地土肥饒也又曰邪

米思干城西遼之河中府也唐書謂之康國大唐西域

記曰薩末鞞又曰颯秣建北魏書謂之悉萬斤一統志

謂之賽馬尓堪海錄亦稱三馬尓丹則皆薩末建之轉

也明時其國甚大自元設阿母河行省於此以號令諸

國其聲教之敷久矣康熙三十六年上諭有噶尓丹會

破回子中之撒馬尓罕則其轉為霍罕當在康熙以後

矣乃前人以爲卽斃賓移葱嶺南國於葱嶺北其訛已

非一日今明史亦沿其失其大者如明一統志全圖以

撒馬余罕爲漢之西屬賓縣尤爲笑來至耶律西游錄
稱訛打刺城西千餘里有六城曰尋思干考之彭文襄
西戎地形圖訓及秦邊考畧顧亭林郡國利病書則訛
打刺城乃在哈密西土魯番東亦見於元太祖本紀距
尋思干幾及七千里而云千里與元史所載阿力麻同
一刺謬有元一代史官無職記載疎畧明初修史諸人
迫於時日未暇考證遂致若茫若昧遺誤不淺

考寰宇記北庭都護府西至碎葉突騎施庭三千六百
八十里西北至突騎施三千一百八十里又考元和郡
縣志庭州西至碎葉鎮城二千二百二十里西北去突
騎施三千餘里今按迪化州西至伊犁一千九百餘里
又自惠遠城西至阿勒坦西金山四百里耶律文正西

游錄云索虜城在大河南城已圮唐碎葉鎮城故墟也
渡河百里踰山丹嶺突厥時王庭也又西三百里塔刺
斯數百里皆平川岡嶺廻互甚得形勢川北頭有鉅麗
大城城外皆平原可山唐時鑿道南山夾爲石牖以行
水腫脊跨堅岸有唐節度參謀檢校刑部員外郎假緋
魚袋太原王濟之碑西契丹盛時富庶甲他處兵後民
逃城圮又西三百里大石山城西使記二十八日過塔
刺寺三月一日過賽蓋城三日過別石闌唐書地理志
碎葉城北有碎葉水水北四十里有羯丹山爲十姓可

汗每立君長於此大唐西域記逾凌山四百里至大清池一名熱海又曰鹹海由此西北行五百餘里至素葉水城又西行四百餘里二百里雙湖二百里千泉地方二百里南面雪山突厥可汗避暑庭又西南行三百餘里白水城又西南二百餘里至笈赤建國又西南二百里至石國西臨葉河據此推之則樂氏寰宇記里數昧勿審焉當以吉甫之志爲據索虜當是碎葉之轉山丹嶺卽唐志之羯丹山塔刺斯平川數百里卽賀魯建牙之邪羅斯川一聲之轉大石山卽西使記之別石蘭西游記之自

賽藍城西行五日之一城明史之達失干今之塔什罕
西域記之奴赤建國也唐突騎施與車鼻部接蓋在西
金山之西距碎葉城西北八百里當在今哈薩克左部
界中按一統志及水道記塔什罕向爲三和卓分治之
地後屬霍罕今爲布哈拉所滅此部未詳所屬矣按祁
氏西域釋地由特木爾圖海子南岸越巴裡渾大山至
塔裡垓河三百餘里此水西流入那林河逕安集延安
集延明史之俺的干唐之石國西域記之赭時又名柘
枝漢爲大宛西鄙在霍罕東北三百八十里一統志霍

罕東北至塔什罕七百餘里南至葱嶺北至那林河那
林河在葱嶺西北經流數千里西行過安集延城北又
西行過馬爾噶朗城又西行過塞馬爾堪城北卽霍罕
也考唐書康在那密水南與今合又曰石國西瀕素葉
水又堵利瑟那東臨素葉水水出葱嶺北原色濁西北
流入大磧考堵利瑟那見西域記唐書居波悉山之陰
漢大宛之貳師城所稱東曹是也葉水卽西使記之忽
牽河西游錄之霍闡河明史沙鹿海牙城外火站河也
是碎葉水卽塔裡垓河矣然證之褚氏則以源出特木

爾圖之垂河卽今伊犁西界之吹河爲唐之素葉水蓋吹河經流千餘里由塔什罕西南入安集延祁氏之說恐未可據也今按七氏新疆紀畧惠遠城東十五里有培婁焉爲控俄爾鄂羅之山其下多煤其陰多鐵又東百八十里有山曰哈什迴環數百里其上多銀多野牲爲將軍圍場有城焉曰哈什回子之城惠遠城東北四百里有川曰博羅他拉駐防察哈爾兵游牧其地其北爲他哈布堪海之山溫泉出焉浴之已寒濕之疾其南有巨澤曰賽里木其神狀類青羊大角而蹙文無鬚而

長尾見則大雨雹惠遠城西北塔爾奇之山多果木又
北莫懷圖之山多土蛇見馬則以頭入土尾聳立若植
木馬卽腹膨然而不能行倒則入馬鼻盪其腦又北爲
庫庫托木之山有水產元獺歲以充貢又東北爲濟拉
刺郎之山庫色木克之山產白杏多藥草冬夏溫和山
多熊館舍利孫取其皮爲年貢惠遠城南多雉兔距城
里許卽大河源出哈什丕爾沁之山滙爲巨流卽唐伊
麗河其流湍激多白魚鯊魚水獺西北流過哈薩克境
入沙而伏河之南平川曠莽築八堡錫伯旗屯田焉其

東深林豐草多很多黃羊其西皆葦湖多野豕能害稼
城西霍爾果斯築城焉平川四百里名曰齊七罕索倫
與達虎爾兩旗分屯焉其餘如額魯特回子暨綠旗諸
營環遶星臚於四郊之外不啻風雲鳥蛇之奇焉今考
之欽定圖志諸書控俄爾鄂羅卽惠遠城東三十里之
洪郭圖鄂博又有洪郭圖淖爾華言鈴澤也山卽以淖
爾名蒙古語山曰鄂博海曰淖爾亦曰諾爾水曰烏蘇
嶺曰達坂亦曰達巴罕餘皆倣此按喀什山在喀刺烏
蘇慶綏城之南距伊犁千里喀什河源於此在惠遠城

東七百里伊犁河之上流也七氏稱百八十里誤矣博羅塔拉河距惠遠城三百里乾隆二十年大軍西討北路從烏里雅蘇西路出巴里坤俱會於博羅塔拉其地平川千里泉甘草豐東通額爾齊斯河西踰闐勒奇達坂爲南北要區形勢皆勝故阿睦爾殺內叛復據此以號召各部今爲察哈爾旗駐防之所以游牧而兼屯田其富庶甲他旗焉賽里木者長春遊記之天池西人稱之曰西方清淨海洪亮吉有淨海讚卽此廣輪可五百步澄波鏡澈深不可量有島嶼無委輸不生一物不染

一塵投以織芥漂送上岸但見干樹之葉因風外馳四山之禽擘翥東邁若有所避不容少遲其西南北三面皆雪山中波外沙儼然分界山罕他木惟松枝之竦而上者岸鮮雜卉有芝草之翠而圓者較之喀刺烏蘇之蓮花池烏什陽薩爾之柳樹泉則彼未奇而此誠靈異矣伊犁境諸水無不以伊麗河爲壑而歸墟於哈什淖爾所不與者惟賽里木及特木圖兩淖爾耳他哈布卽哈碧爾罕距城東北四百餘里其地有綠玉廠歲采玉以充貢溫泉亦因以得名泉水味甘芳而氣馨芬浴之

却疾好顏色乾隆二十二年大兵討阿睦爾殺內將軍

兆惠以奇兵趨伊犁由開道踰此山而入博羅川考綠玉卽

碧玉也吳人有西碧南碧之目有水坑山料之分南碧

產滇中亦有斑點西碧產新疆如瑪納斯之清水泉又

西之後溝大溝及哈碧爾罕玉生泉中為水坑上者有

金脉有鷺羽斑產山崑者無金脉斑文吳中閩閩貴西

賤南自乾隆五十四年奉旨封閉禁人采買西碧之貴等之金膏水碧然佳者真

尤物能移情往於杭州親串家見一西碧搔頭雕琢既

精而其肌理縝密光采溫潤闇然而章殆所謂秀色可

食也或問視翡翠如何予謂今翠玉號稱無上妙品恐

不中與之為奴人皆大笑然今日以問吳中人已不知

有此名目雖百金購一簪不可得也

塔爾奇之山卽今惠遠城九十里之圍勒篋大嶺大兵

自博羅川踰山之陰入伊犁今其地高峻險隘實守阨之所其西路尤隘如左擔道劣容一騎西契丹時築關於此伊犁有事此必爭之地山溝間林木蕃殖綠陰蔽芾不見日色土人呼爲果子溝石榴尤多實大如升赤日酷暑中醇汁飲無異玉液瓊漿矣莫懷圖之山今惠遠城直北雅馬圖山其地產毒蛇名土蠟西人謂之土蠱噉馬腦人觸之其氣中人生大癘庫庫克謨在博羅塔拉之西北爲勒布什大河經流之地北瀕石勒畢什哈薩爾干察罕烏蘇諸河故所產元獺多於塔爾巴哈

臺塔爾巴哈華言水獺也濟爾噶朗庫森木什克皆在伊犁東北喀刺烏蘇精河之間滿地所產藥草皆中國未有人亦不能識也至若伊麗河匯諸九十九泉河之水亦非喀什丕爾沁二源其水西北流至巴勒喀什淖爾亦非入沙而伏伊犁河中小舟名曰威呼剗巨木爲之首尾銳而腹可容兩三人大者容五六人以二人盪槳迅捷若飛又有樺皮爲之者容一人划行尤速又按西遊錄云自回鶻五城渡黑水河西北至庫克腦兒譯言青海子也跨河築城撻石爲梁兩城劃張形同腰鼓

與阿里馬城南北相直皆西遼時巨鎮也考黑水河今
自瑪納斯至喀刺烏蘇皆有此稱文正錄中不言里數
未詳何地按元和郡縣志清海軍在北庭府西七百里
舊名鎮城鎮天寶初置重兵於此以禦回紇奏改爲軍
據此則青海卽清海西遼特襲其名而城實始於唐故
城當在今喀刺烏蘇東一百八十里安集海臺大河逕
臺南折而西北流其南百餘里爲霍爾果斯嶺徐氏謂
阿里麻城在此嶺卽耶律錄中之南北相直也里數旣
與唐時合形勢又與元時合則阿里麻城必非今日伊

犁之拱宸城矣考唐時北庭府之十六蕃州東至巴里
坤北至塔爾巴哈臺皆有其分地惟伊犁境內東西二
千里皆西突厥五咄陸之分地所謂五噶六都督府也
五姓而六都督以突騎施之有二部也自安西西北至
白山爲鷹娑分地其牙帳在今烏什界烏什譯言山勢
峻絕也度凌山而北至清池爲鹽泊分地鹽泊卽清池
又曰熱海今之特木里圖海子也其南爲絜山北爲盟
鹿其西則雙河在今塔刺斯河其東則匭延也大抵六
都督地俱在今伊犁之西境惟盟鹿與車簿接匭延於

惠遠最近其四部當在今東布魯特游牧境內盟鹿東境塔爾巴哈臺甸延東境則晶河也晶河西距托呼它二百里其南多菴葦產水虎又名金虎今楚呼楚多有之按金虎鼠身而虎頭毛色如沉香性靈而悍夜伺駕鷺鴻雁宿時鑽入翅中嚙其項領怒飛而墮隨之下而食之潛形樹林俟麋過而躍踞其兩角之介食其腦麋觸之亦不落也似卽唐書之它獸蒙古謂荅刺卜花也生山澤中形如獺皮可爲裘能禦雨

考之唐書西突厥傳咄陸可汗庭於鏃曷山謂之北庭駁馬結骨諸國皆臣附之畢賀咄葉護立庭睢合水北東薄伊列河龜茲鄯善且末吐火羅焉支石史何穆康

等國皆隸屬又稱由焉支西北七日行得南庭北八日
行得北庭孔氏云北庭當今黑水城界南庭當今康吉
城界蓋哈刺沙爾與喀刺烏蘇南北馬行八日也又稱
雖合水今之瑪納斯河在綏來縣西三百二十里今按
西域釋地瑪納斯河距鞏寧城三百二十里距綏來縣
十里又按西陲要畧綏來縣西三百里爲奎屯河臺是
孔氏誤以迪化州爲綏來縣也惟稱北庭在黑水界內
與寰宇記自庭州西南至焉支鎮守軍八百七十里及
唐書由焉支北八日行得北庭之說差合孔氏不知瑪

納斯亦稱黑水但據唐書八日七日之說有此臆揣今

瑪納斯康吉城至喀刺烏蕪約四百里與奎屯差一日行據此則當稱東西庭不應

以南北分別也今按南庭所隸諸國皆今之南路焉支

刺沙爾龜茲今庫車吐火羅今愛烏罕石國今安集延

康今霍罕道光二十二年為布哈拉所滅史今窩什何

今科拉普穆即安國今拜里哈布哈拉五城之一唐書

自疎勒至安國千四百里亦與今自喀什噶爾至霍罕

道四疑與射匱建牙之三彌山不甚相遠雖合水疑即

相合藥殺水之轉唐書西域傳石西南有藥殺水入又按唐

書地里志度拔達嶺五十里至頓多城烏孫所治之赤

山城也又三十里度真珠河按自温宿國今阿克蕪至

真珠河地里志僅一百五

百或考古錄

卷十 七

里又西北度之驛嶺五十里度雪海又三十里至碎不

戍傍碎不水又五十里至熱海今之特木爾圖海子又

四十里至凍城又一百一十里至賀獵城又三十里至

葉支城出谷至碎葉川口八十里至裴羅將軍城又西

二十里至碎葉城城北有碎葉水水北四十里有羯丹

山為十姓可汗每立君於此據志推之所稱在雖合水

即真珠河北當是熱海以北今巴雅什布魯特游牧之地又

按寰宇記安西都護府北至白山十姓突厥王約三百

里安西即龜茲東至焉支七百里白山當即三彌之別

名今不可考而南庭之不在綏來縣境斷可知也又考

突厥傳中所云鄯善且末久入於吐谷渾

鄯善且末二郡隋破吐谷

渾時

貞觀九年既破吐谷渾立其子慕容順爲王至咸

亨初鄯善且末又爲吐蕃所陷則新唐書之謬也今考

北庭之鑛曷山疑卽郭孝恪傳中之過索山欲谷先庭

鑛曷山及并畢賀咄之地必移牙帳於西以故地與處

密鑛曷之轉爲過索則有音無字不足怪也如元史耶

律希亮傳之昌八里城卽西使記之乞則里八寺續綱

鑑之裏里城卽伊麗欽义之卽益吉刺發里哈之卽哈

烈劍河之卽謙河黠戛斯之卽幹羅斯亦卽今之鄂羅斯此可以隅反而得之者也或謂十箇有五大斃有五侯斤唐平賀魯之後以五大斃爲六都督而五侯斤則無之疑史有闕文而不知五侯斤之地不在碎葉鎮管內按唐書吐蕃傳及通典武后證聖中吐蕃遣使請和約罷四鎮求分十姓地武后遣通泉尉郭元振往使道與欽陵遇元振責之欽陵曰西十姓突厥四鎮諸國或時附蕃或時歸漢斯皆多翻覆乞拔去鎮守使其國自君人自守旣不疑漢又不屬蕃豈不幸甚元振曰十姓

諸部與論種類不同山川各異曠覽古昔各自區分復
爲我編人積有年歲今論欲一言而分離數部得非昧
弱苟利乎陵曰十姓中五咄六諸部落僻近安西是與
吐蕃頗相遼遠俟斤諸部落密近蕃境其所限者惟界
一磧騎士騰突旬日卽可以蹂踐蕃庭爲吐蕃之巨蠹
者惟斯一隅且烏海黃河關源深阻風土疫癘縱有謀
夫猛將不能爲蕃患矣故陵無敢謬求西邊沙路夷漫
縱羸兵庸將亦易以爲患故陵有此請云云據此則五
俟斤分地在西南可知矣

今按西域諸國中如拔罕那
蕪對沙那柘支个失密謝颺

大小勃律皆突厥俟斤所分者也伊犁形勢甲西域高山長河表裡環

拱漢唐以來故迹未湮唐自文皇至元宗代嬪五君載積百祀恩威所加其漸被遠矣各部落如突厥十箭回紇十一姓昭武九姓吐火羅二十七種凡有調發莫敢違命至於至德間大盜覆國而兩京之復雖遠如大食猶能發兵爲國破賊夫豈偶然而已哉

伊犁惠遠城爲定邊將軍建牙地又設領隊大臣六員凡文武大小職官四百六十八員滿漢額兵一萬七千二百人塔爾巴哈臺參贊一員領隊大臣二員其大小

職官六十五員額兵二千人

哈薩克部落附考

祁氏西陲要畧曰向傳哈薩克爲古大宛國非也漢書言大宛有城郭今則隨畜徙牧俗異大宛且距伊犁西北伊犁爲古烏孫西北與康居接則哈薩克乃古康居國其部落有三曰左部曰右部曰西部其實則東中西耳距京師萬里又曰西哈薩克啟齊玉蘇部之弩刺麗汗巴圖爾汗烏爾根齊部之哈雅布汗同奉表貢賜賚如左右二部例魏氏聖武記曰哈薩克分左右三

部左部在準噶爾西北右二部在準噶爾西皆北界俄
羅斯東去塔爾巴哈臺南去伊犁皆千里左部曰鄂爾
圖玉斯東西千里南北六百里環境內皆山西北境曰
伊什河地苦寒爲其汗之夏庭廣漠蕃茂谷量牛馬哈
薩克之有三玉茲猶準部之四衛拉特也其右部齊齊
玉斯烏拉玉斯亦稱中部西部西部亦曰塔什漢右部
之地東南接準部南接布魯特安集延諸部西南踰塔
什漢西六百餘里地在葱嶺上游有哈刺庫勒卽釋典
所謂阿耨達龍池蓋昆侖之巔也其哈刺沙河錫里洽

河之間岡嶺綿亘北爲騰吉斯大澤尙有北部接俄羅斯境至今未通中國云瀕河兩岸有城五蓋左部遊牧爲古康居寒暑徙帳卽康居王冬居樂越慝夏居蕃內之俗而右部有城郭與康居五小王所治城合爲大宛北鄙故稱哈薩克卽大宛云椿園氏西域聞見錄云哈薩克古大宛無城郭遊牧散處多平岡漫嶺草多綠葉白根長四五寸牲畜易腓字稱君曰比哈薩克兩種其北界哈薩克又是一種未通中國人戶尤疆盛云今按哈薩克之境東自阿爾泰山西抵烏拉嶺

考俄羅斯國葱嶺有西北

一支直抵白海名烏拉嶺
此部在此嶺之下故名
傍裡海一帶皆其游牧地舊

以為漢之大宛康居皆未足以據也葉氏外譯存考云

考今霍罕為康居王昔日冬治越慝地至其夏治蕃內

馬行七日為今塔什罕地亦與今日至霍罕道里合按塔

什罕在霍罕東北七百餘里
正與漢書馬行七日之說合
阿爾泰山亦曰厄爾坦華

言金山按伊犁之山亦有此名故有東金西金之別和

魏皆以游牧城郭為康居大宛之分考漢陳湯之討郅

支傳中明言城在都賴水上又言被甲乘城往來馳城

下射城門騎步兵皆薄城下仰射城中樓上人土城外

有木城木城穿中人却入土城凡言城者十餘處安得

言康居無城乎至謂五小王所治五城合為大宛北鄙

其言巨謬考五小城

考唐書西域傳安國罽王地石國窳匿地何國附墨地史國菴葑地

火尋奧鞮地即昭武九姓也

據唐書即安石何史火尋五國之地其

在今日則安為布哈拉部落所屬之拜爾哈石為安集

延何為科拉普

元為卜花刺耶律文正西游錄之蒲華城明為卜花兒按科拉普在霍罕西北

五史為窩什

元為渴石明為碣石鐵門在其國中距霍罕八日

火尋為葛思尼

東北亦接哈薩克按唐書火尋東北接突厥曷薩部又

按俄羅斯圖裡海東北有哈薩克族即未通中國之西

北部矣或以曷薩卽哈薩克之轉但曷薩西南直接大秦其東境所至史無明文耳夫五小城在唐爲昭武九姓之地并雜有漢之安息今日則爲霍罕布哈拉兩部落魏氏欲以塔什罕一城當之豈非臆說其所註海國圖志又以布哈拉爲大夏以百爾西亞爲安息漢書稱安息臨媯水大月氏都媯水

唐西域傳作烏澹河西域記作縛芻水元爲阿朮河

暗不河博义河暗布河阿母河元立阿母河行中書省以此南懷仁作阿書河今名伊西洱河是也若百爾西亞

卽漢條支北魏後之波斯大食元之報達明之巴社大白頭番今名巴社百爾西亞本其隣部

之名後并有巴社

地遂冒其名耳

在媯水西南數千里豈非臆說無根

遂至自相矛盾若塔什罕卽明史達失干西使記之別石藍亦卽西域記之斂赤建在今日爲伊犁極西邊地一統志稱爲薩木沙達吐爾占三和卓之地薩木爲哈薩克右部所置爲吐爾占所逐右部興兵問罪久不解我參贊富德檄使諭之俱釋爭內附西域水道記塔什漢舊爲舍底沙木什兩和卓分治舍底漸強與西哈薩克共攻沙木什殺之地遂入於哈薩克後爲霍罕所并考沙木什卽一統志之薩木兩說互異而一稱兩人一稱三人未詳孰是今霍罕已滅於布哈拉則此部究不

知何屬又按祁氏所稱之烏爾根齊部據一統志其城

尙在賽馬爾堪之西即撒馬兒罕葉氏謂即烏拉嶺之

部其入貢在乾隆二十八年魏氏與椿園氏謂未通中

國亦失考也劉鳳誥回部底貢詩其自注云哈薩克有

三玉茲如衛拉特之稱然統稱左右無三者之別葉氏

圭綬

謂當以左一右二分部不當以東中西言是也如

塔什罕是右部附庸一統志亦言其羈屬右部也據祁

氏齊齊玉斯已有三汗其部當在北境與俄羅斯接至

安集延已東皆布魯特游牧地已非哈薩克所有况葱

嶺絕頂之龍池乎龍池釋典謂之阿那婆悉多池又云

阿耨達池元奘記中之波謎羅川唐書高仙芝傳中之

播密川由葱嶺守捉所卽渴盤陁漢時疎勒國之槃橐城故地西行卽其

地介在葱嶺守捉五識匿部落之間考之圖志則守捉

所爲今賽勒庫勒五識匿爲今黑斯圖濟由黑斯圖濟

西南三百里至博羅爾爲唐之護密北魏時鉢和元奘

記之達摩悉鐵帝其南曰娑勒城臨娑勒水渡河南五

百里卽小勃律也高仙芝取道護密以攻勃律蓋與陳

湯討鄯支李廣利伐大宛道各不同自喀什噶爾西南

至喀刺淖爾六百餘里

喀刺淖爾譯言黑海子
魏氏稱大黑龍池亦謬

唐俱密

國南臨黑河卽指此俱密東南五百里卽今黑斯庫濟
魏氏以此路爲哈薩克西部諸境殊不可解伊犁將軍
歲一巡邊及收馬匹與貿易諸事皆有舊例載在會典
茲不贅及

按明史西域傳乞力麻爾永樂中入貢惟獸皮鳥羽
屬褐其俗喜射獵不事耕農西南芴海東北林莽深
谷多猛獸毒蟲有達巷無市肆交易用鐵錢據其所
載似卽元史之阿力麻里西南傍海卽蒲類海是明

初地未并入瓦刺也此部明史惟一見其并入準噶

爾當在明中葉耳

紀昀閱微草堂雜著云和通之敗我兵士有沒蕃者平定伊犁望

大兵投出宥死安置化州羣但呼之為小李陵云

已丑庚寅予見之已老矣言在準噶爾轉鬻數主皆

司牧羊大兵未至前一歲八月中旬夜棲山谷望

沙磧火光西域諸部每互相鈔疑為劫盜登岡眺望

乃見一巨人長丈許衣冠華整侍從秉炬前導約七

八十人俄列隊分立巨人端拱向東拜意甚虔肅知

為山靈時準噶爾亂已微聞阿睦爾撒納坎塞請兵

事竊意此地當內屬故鬼神預東向耶既而果然時

尚不知八月中旬為聖節歸正

後乃悟天聲震疊為遙祝萬壽云

西垣志古金

卷一

西域考古錄卷十一

海月堂
雜著

海鹽俞浩
湛持

喀刺沙爾

屬城二

庫爾勒
布古爾

喀刺沙爾譯言黑城也舊名哈爾沙刺至京師八千六百餘里東距嘉峪關三千八百里東北距土魯番八百餘里東南阻戈壁西南至庫爾勒百六十里又西南至布古爾城四百九十里又三百里至庫車城其北則珠勒土斯河南北兩岸延袤千里水甘草茂今為土爾扈

特和碩特兩旗游牧地西北界白山山北為伊犁將軍之圍場在焉按今喀刺沙爾在兩漢為焉耆危須尉犁墨山四國地攷通典黑山城在焉耆東南百六十六里今喀刺沙爾以黑山得名疑即唐之黑山城矣或以黑山即墨山之譌此則未有明證尚俟博攷也班書焉耆

國都員渠城范書曰南河城

按員渠錢氏謂即焉文之轉猶危須國都危須城也

城在開都河南岸故亦曰南河漢紀又曰河南城也水經注曰敦薨之水出焉耆之北敦薨之山二源俱導西源二水左水西南流出於焉耆之西經流焉耆之野屈而東南流注於敦薨之渚右水東南流又分為二左右焉耆之國城居四水之中在河水之洲治員渠城今珠勒都斯河為西源出喀刺沙爾西北楚里達山哈布齊

哈河爲東源出喀刺沙爾北和屯博克崗下皆天山正
幹卽敦薨山也今是山迤東爲鎮西府所屬當漢時匈
奴蒲類王地迤西爲伊犁所屬當漢時烏孫國左水無
考以今水道證之西源二水其一爲珠勒土斯河西南
流卽此注之左水一爲達賴克河東流卽此注之右水
注於敦薨渚者卽今合爲開都河江中本有東流分爲
四字疑有誤今不取也今之珠勒土斯河自楚爾達山
西南流至喀爾噶圖北折東達賴克河自東來會之折
而東流分爲二行百餘里復合爲開都河而員渠城正
當其東所謂四水之中也范書西域傳焉耆四面有大
山有海水曲入四山之內周匝其城北史言其城去海
十里餘今考開都河南四十里有舊城雉堞猶存周圍
九里俗曰四十里城疑卽員渠城故址後魏書員渠城
在白山南七十里隋書焉耆漢時舊國也西域記都城
周六七里以上說皆可
證今城之非昔城也已

焉耆爲國斗絕一隅每恃險遠抗衡中夏然未有不

破者北魏既平沮渠始通西域萬度歸之伐焉者破

其左回尉犁二城拔之進圍南河城其王突圍走入

山遂屠其城立假王以鎮之置倉於國中以餽西域

所謂焉耆倉是也魏書真君十一年沮渠無諱之破車師前部王上書乞援詔開焉耆

倉給魏末復為挹怛所滅請王於高昌王麴嘉嘉以

次子王焉耆者隋大業初焉耆王龍突騎支遣使貢方

物隋末大亂磧路久閉貢道皆由高昌及貞觀六年

突騎支入貢請開磧路太宗許之遂與高昌交惡麴

文泰屢侵焉耆奪其五城至十四年侯君集平高昌

詔歸其俘及五城於焉耆十八年郭孝恪伐焉耆潛
師入其境夜遣軍浮水而度平明軍士拔堞而入遂
執突騎支及其妻子歸於朝至高宗上元初詔以焉
耆爲馬首都督府以處其部落開元中別置使於碎
葉鎮始以焉耆備四鎮之一貞元陷蕃五代後地入
於回鶻後又爲畏吾兒高昌王所據臣於西契丹元
平西域統於別失八里準噶爾強盛時以其鄂托克
沙拉斯瑪虎斯二部之衆游牧於此乾隆二十四年
助阿睦爾撒納以抗我師遂聚而殲之

按珠勒土斯
唐曰馬頭川

西域志卷之二
故有馬首都督府之號顯慶四年蕪定方爲安撫
大使討思結俟斤破之馬頭城下都曼降是也

危須國治危須城據漢書西域傳危須國西至焉耆南

至尉犁水經注逕出焉耆之東導於危須國西又東南

東南流當喀刺沙爾東北分爲二水合開都河匯於喀

刺沙爾之南爲博斯騰淖爾東西廣三百里南北半之

所謂敦薨董氏謂以西域傳證之此注似今之喀刺沙

爾卽漢危須國徐氏謂在博斯騰泊東南非是今以圖

志按之焉耆去危須百里今之喀刺沙爾尙距故焉耆

城百數十里則董氏之說猶未確也尉犁國治尉犁城

水經注敦薨之水自西海逕尉犁國蓋在博斯騰泊

西南庫車之東漢時自龜茲至焉耆必先至尉犁

後漢書班超傳超遂發龜茲鄯善等八國兵合七萬人及吏士賈客千四百人討焉者兵到尉犁界焉者王廣遣其左將北鞬支奉牛酒迎超超賜而遣之廣乃與大人迎超於尉犁奉獻珍物焉者國有鞬橋之險廣乃絕橋不欲令漢軍入國超更從他道厲度七月晦到焉者去城二十里正營大澤中廣出不意大恐乃欲悉驅其人共入山保其國相腹久等十七人懼誅皆亡入海

諸言西域者皆謂今布古爾城亦曰玉古爾西葦湖有

土橋為西自東之要津舍此更無他道謂即班超傳所

謂葦橋之險也今考前漢書西域傳焉者西南至都護

治所四百里南至尉犁百里尉犁西至都護治所三百

里南與鄯善且末接龜茲東至都護治所烏壘城三百

五十里是漢時焉耆至龜茲七百五十里也今之喀刺

沙爾為唐之黑山城尚在漢焉耆東南百六十六里西按

域傳山國西北至焉耆一百六十里則黑山城自黑山

之為墨山國故城頗有依據以道里之合故也

城至龜茲九百十六里與今喀刺沙爾至庫車里數差

合按今喀刺沙爾至庫車為里九百六十與漢時較多

四十四里則因漢之龜茲國在今庫車之南今之庫

車非漢之龜

茲故城也

趙傳明言焉耆國有葦橋之險橋之不在尉犁可知且尉犁與焉耆相距百里耳今布古爾之距龜茲三百里其去喀刺沙爾至六百六十里之遠準之漢時道里則焉耆之距布古爾應有五百里其非漢時葦橋無足深辨按今之庫爾勒雖非漢尉犁都城亦是尉犁之地蓋危須尉犁與焉耆三方犄角而尉犁國最在南故其境與鄯善且末相接按唐書地理志自沙州壽昌縣十里至陽關故城又西至蒲昌海僻南岸千里自蒲昌海南

西經七屯城漢伊循城也又西八十里至石城鎮漢樓
蘭故國都也亦名鄯善在蒲昌海南三百里康艷典爲
鎮過使時築以通西域者又西二百里至新城亦謂之
弩支城艷典所築又西經時勒并渡且末河五百里至
播仙鎮故且末國城也又隋書地理志且末郡在古且
末城有且末水卽水經注所言阿耨達大水北流注牢
蘭海者也今之音德爾圖河疑卽且末河水道里相準
但無確證耳徐氏以克勒底雅河當之考是河在今和
闐東境與且末傳西通精絕二千里之說不合考當日

且末北界且末河與尉犁以河爲界至今日則俱在羅
布淖爾西南大戈壁中流沙之地今昔互異無論漢時
南道諸國卽唐代鎮城相去千載茫淪沙磧况於魏晉
以上哉夫焉耆之葦橋較之布古爾之土橋別有閒道
可通此其形勢亦必與今之土橋迥異葦橋者蓋編葦爲之又考
鐵門當亦在尉犁國境晉書西戎傳張植未至鐵門十
餘里焉耆王熙率衆要之於遮留谷植擊敗之進據尉
犁

通典張駿遣沙州刺史楊暄疆理西域暄使部將張

植爲前鋒軍攻其國進屯鐵門未至十餘里熙又率
衆先要之於遮留谷植將至或曰漢祖畏於柏人岑
彭死於彭亡谷爲遮留殆將有伏單騎嘗之果有伏
發植擊敗之進據尉犁熙降於暄

按水經注敦薨之水自西海逕尉犁國其水又西出沙
山鐵關谷考今博斯騰淖爾南出西流仍爲開都河又
西逕庫勒爾山北山東接額格爾齊山今猶以漢名相
傳曰沙山在博斯騰淖爾南一百二十里則西戎傳之
鐵門卽此注之鐵關谷矣謝氏戎幕隨筆云喀刺沙爾

南至沙山二百餘里東爲深谷北爲鐵門西南皆巉岩
不以上對谷爲回堡土屋銜山半裂石間有洞在崑
際不可梯攀中出礪砂回人取之必於嚴冬繼崖而入
喀刺沙爾北至石山一百里自噶扎馬至石城十里兩
山夾河崖壁峻竦單騎徐引數步一息出山始見開都
大河雷轟雪滾奇觀也今圖書集成乃以史國明渴石
今日窩
什西域水道記窩什在霍罕東南八日
行唐書地理志史北去康七百餘里
之鐵門關與尉
犁之鐵門關混并爲一殊不可解考庫爾勒西北有所
屬回莊名石城子距庫爾勒堡百六十里距喀刺沙爾

城西百五十里開都河南數十里疑卽焉者故城也墨

山國治墨山城

漢書西域傳山國今據水經注趙氏箋補入五字

顏師古謂常

在山下居不為城治蓋未考水經逞臆註書致有此誤

前漢書西域傳山國東南與鄯善且末接山出鐵民山

居水經注河水又東會敦薨之水又東逕墨山國南又

東逕注濱城南

注濱城蓋以河得名當在墨山城東按今通典譌為樓蘭國故城者卽此又

東逕樓蘭城南而東注

注稱撥田士所屯故城禪國名蓋樓蘭田士屯

此非樓蘭國治城也西域傳鄯善國本名樓蘭西北去

都護治所千七百八十五里至山國千三百六十五里

是墨山在樓蘭西北而羅布淖爾在樓蘭之東北水經
注所謂水積鄯善之東北是也今魏氏誤以闐展爲樓
蘭蓋亦本之通典今喀刺沙爾東北至所屬布幹臺六
百二十里又東北三百八十里至闐展今自開都河西
流折南沿塔里木河東至羅布淖爾亦千餘里而樓蘭
故城在羅布淖爾南三百里蓋一東北一東南漢書從
鄯善至莎車隋書從鄯善於闐朱俱波喝槃陀度葱嶺
皆爲南道自車師前王庭行至疏勒從高昌焉耆龜茲
疏勒度葱嶺漢爲北道隋爲中道今謂之南道往回疆

西垣志卷之十一
者由之若漢隋之南道今在大戈壁中雖欲置驛何從
置之魏氏習而不察其誤豈細哉又按布古爾亦名玉
古爾徐氏謂漢輪臺故址亦非水經注東川水出龜茲
東北歷赤沙積犁南流枝水右出西南入龜茲城川水
又東南流逕於輪臺之東又東南流右會西川枝水又
東南逕烏壘國南又東南注大河按漢書西域傳桑宏
羊與丞相御史奏言故輪臺以東捷枝渠犁皆故國地
廣饒水草有溉田五千頃以上以水經注證此奏輪臺
最在西垂史記作侖頭頭臺聲近爲李廣利所屠地衝

可知捷枝通典作接枝水經注積梨卽捷枝渠犁省文
蓋皆小國漢滅以置田卒烏壘之爲今布古爾城無可
疑者輪臺當在布古爾西疑今三道河地距布古爾三
十里是也按水經注渠犁西北去烏壘三百三十里惟
捷枝無考今西域傳烏壘下言其南三百三十里至渠
犁是酈道元所見漢書必是東南今本奪東字也董氏
水經圖說妄謂其南是其東之譌蓋始終以渠犁爲尉
犁也然酈注亦有譌尉犁作渠犁者徐氏松曰渠犁傳
西有河至龜茲五百八十里酈注敦薨水又屈而南逕

渠犁國西故史記曰西有大水卽斯水也又東南流逕渠犁國蓋酈意以河卽敦薨水也證以目驗知其不然敦薨水今開都河其河不得至龜茲一也渠犁在烏壘東南敦薨水去之尙遠不得逕其國西二也龜茲東川正由渠犁東南入大河敦薨水果出渠犁西則隔於東川無由達河三也蓋敦薨所經者尉犁之西渠與尉相亂耳渠犁之西有河者指龜茲東川言今之烏恰爾薩伊河也水經注東川水逕烏壘國南又東南注大河所謂烏壘南卽渠犁西也今烏恰爾薩伊河不與大河通

而故道尚存由渠犁之西沂河可達邇茲東界酈氏所

卽西域傳文按馮商等誤漢書在哀平間猶名史記至

明帝時猶稱班固私作史記故酈氏又於焉者下引史

記皆卽西孔氏繼涵引戴氏而背師說謂今郵置里數

域傳文也

與唐書西域傳合獨與班書不合董氏取其說以今庫

勒爾當尉犁國又并渠犁尉犁爲一以此釋經注所謂

謬種流傳不如勿釋之爲善也宋祁唐書西域傳悉本

元奘西域記其所載道里最難依據又不知今之喀刺

沙爾爲漢之山國唐之黑山城乃執漢書之里數準今

日之郵程宜其穿鑿附會而無一合者也渠犁在漢時

僻南不當孔道故其東南與且末南與精絕接水經注
稱南河又東逕精絕國北是精絕北境以河爲界過河
卽渠犁又西北乃至都護所治烏壘又按范書言都護
在焉耆城則都護與都尉譯長應別有城垣以處吏士
如今西域回城中別爲鎮城之類按今塔里木大河自
阿克蘇東合渾巴什河楚克達爾河爲一河東流至沙
雅爾城東南又合渭干河爲一漢時渠犁當在塔里木
大河北岸精絕國則在大河南岸今則河之北岸悉爲
沮洳葭葦之場河之南岸則戈壁也開都河亦曰海都

土人呼爲通天河大小珠勒土斯河東南流至喀刺沙
爾西門已并入海都河自漢以後咸目爲海水其浩瀚
可想耶律文正西遊錄載有苦蓋八普可傘巴攪等城
謂苦蓋多石榴其大如拱甘而差酸凡三五枚絞汁盈
盂渴中之尤物也巴攪城邊皆巴攪園故以名其花如
杏而微淡葉如桃而差小冬季而花夏盛而實八普城
西瓜大者五十斤長耳僅負二枚苦蓋西北五百里有
訛打刺城元史作訛
答刺城附庸城十數此城渠酋常殺命吏
數人商賈百數盡掠其財貨西伐之舉由此也考訛打

刺城在土魯番東又東南五百里於布隆吉河相近其
詳已不可考附書以俟博雅君子喀刺沙爾舊有城高
一丈三尺周二百五十四丈東西門二東曰德綏西曰
撫徠乾隆二十二年以其地要害設辦事大臣一章京
三筆帖式三城守遊擊一把總二外委五兵二百二十
一管理屯田都司一把總二經制外委五兵百七十二
管理沙克塔里屯田千總一外委一兵百三十以上綠
營兵由內地派換三十六年土爾扈特和碩特自俄羅
斯來歸土爾扈特設十旗爲烏納恩蘇珠克圖盟分駐

庫爾喀刺烏蘇晶河塔爾巴哈臺而以札薩克卓里克圖汗駐之大珠勒土斯統之和碩特設四旗爲巴圖色特啟勒圖盟駐之小珠勒土斯而以札薩克阿穆爾靈貴貝子領之東南界喀刺沙爾西北界伊犁之納刺特嶺東北界烏魯木齊南山西南界布古爾城海河兩岸羶帳如雲以耕以牧稱樂土焉

按唐六典永徽中始置安西大都護府考舊書郭孝恪傳貞觀十六年行安西都護西州刺史蓋滅高昌後便置安西都護加大字則永徽中事也安西都護

府初治西州以刺史兼之州至焉耆七百一十里孝
恪破焉耆師旋西突厥處那啜使其吐屯攝焉耆文
皇怒數其使吐屯懼始返其國此與準噶爾之情形
無異也